

*Urusobe*

*rw' Ibiriho*

**...INYIGISHO ZA BURI MUNSI**

---

---

*Chris Oyakhilome*



Unless otherwise indicated, all Scripture quotations are taken from the *King James Version* of the Bible.

A KEY FOR OTHER BIBLE VERSIONS USED:

NKJV	-New King James Version
AMP	-The Amplified Bible
AMPC	-The Amplified Classic Bible
TANT	-The Amplified New Translation
TLB	-The Living Bible
CEV	-Contemporary English Version
NASB	-New American Standard Bible
ISV	-International Standard Version
NIV	-New International Version
MSG	-The Message Translation
WEB	-The World English Bible
TNLT	-The New Living Translation
ASV	-American Standard Version
TEV	-Today's English Version
RSV	-Revised Standard Version
GNB	-Good News Bible
WNT	-Weymouth New Testament
NRSV	-New Revised Standard Version
MOFFAT	-Moffatt New Translation
WESNT	-Wesley New Testament
EBR	-Rotherham's Emphasized Bible
DRB	-Douay-Rheims Bible
TPT	-The Passion Translation
CJB	-Complete Jewish Bible

***Urusobe rw'Ibiriho ...inyigisho za buri munsi***

ISSN 1596-6984

Mata 2021 edition

Copyright © 2021 LoveWorld Publishing

---

KU BINDI BISOBANURO CYANGWA WIFUZA GUTUMIZA IBINTU:

**UNITED KINGDOM:**

Unit C2, Thames View Business  
Centre, Barlow Way Rainham-Essex,  
RM13 8BT.  
Tel.: +44 (0)1708 556 604  
+44 (0)8001310604

**SOUTH AFRICA:**

303 Pretoria Avenue  
Cnr. Harley and Braam Fischer,  
Randburg, Gauteng 2194  
South Africa.  
Tel.:+27 11 326 0971

**USA:**

Christ Embassy Houston,  
8623 Hemlock Hill Drive  
Houston, Texas. 77083  
Tel.: +1(800) 620-8522

**CANADA:**

LoveWorld Publishing Canada  
4101 Steeles Ave W, Suite 204  
Toronto, Ontario  
Canada M3N 1V7  
Tel.:+1 416-667-9191

**NIGERIA:**

Plot 97, Durumi District, Abuja, Nigeria.

Plot 22/23 Billingsway Road, Oregun,  
Ikeja, Lagos.

P.O. Box 13563 Ikeja, Lagos  
Tel.: +234 1 8888186

[www.rhapsodyofrealities.org](http://www.rhapsodyofrealities.org)

*email: rorcUSTOMERCARE@loveworld360.com*

---

All rights reserved under International Copyright Law. Contents and/or cover may not be reproduced in whole or in part in any form without the express written permission of LoveWorld Publishing.

# Ijambo ry'ibazze

**M**beg! Agatabo kawe ukunda k'inyigisho za buri munsi, Urusobe rw'Ibiriho, ubu kageze mu ndimi 3,000 kandi biracyaza. Turizera ko udutabo tw'uyu mwaka wa 2021 tuzagufasha gukura mu mwuka no kwiyubaka, ngo ujye mu mwanya mwiza wo gutunganirwa bitajijinganywaho umwaka wose. Ibitekerezobihindura ubuzima biri muri aka gatabo bizagusubizamo imbaraga, biguhindure kandi bigutegurire kugirana ibihe binejeje n'ljambo ry'lmana bizaguha kunyurwa no kurumbuka.

## UKO AKA GATABO GAKORESHWA NGO UBONE UMUSARURO MWIZA-

- Soma kandi utekereze kuri buri nyigisho witonze. Kuvuga amasengesho n'amagambo yo kwatura arimo n'jwi riranguruye wibwira buri munsi bizatera umusaruro w' Ijambo ry'lmana uvuga gusohoza mu buzima bwawe.
- Soma Bibiliya yose ukoresheje gahunda y'umwaka umwe cyangwa gahunda yacu nshya y'imyaka ibiri
- Ushobora no kugabanyamo kabiri inyigisho za Bibiliya usoma buri munsi – iza mu gitondo n'iza nimugoroba
- Koresha aka gatabo k'inyigisho za buri munsi wishyiriraho intego za buri kwezi, maze ujye wipima aho ugeze uko ugenda usohoza intego ku yindi

Turagutumiye ngo unezererwe ukubaho kudasanzwe kw'lmana n'ubutsinzi umwaka wose, uko ufata buri munsi ku Ijambo ry'lmana! Turabakunda mwese! Imana ibahe umugisha!

-Pastor Chris Oyakhilome



## Umusozi wa Elayono

Umusozi wa Elayono, ni umusozi uri i Yerusalem, hafi y'umurwa wa kera wa Yerusalem. Muri Bibiliya, tubona byinshi mu buzima bwa Yesu byahabereye. Ni ku Musozi wa Elayono Yesu yaturutse yinjira i Yerusalem mu kizwi nko Kwinjira kwe kw'Intsinzi. Ni no kuri uwo musozi Yesu yazamutse ajya mu ijuru imbere y'abigishwa Be (Ibyak. 1:9). Nagaruka ku iherezo ry'ibihe, Azahagarara ku Musozi wa Elayono nk'uko ubuhanuzi buvuga muri Zakariya 14, maze uwo musozi ucikemo kabiri, igice kimwe kijye mu majyaruguru ikindi kijye mu majyepfo.

*Urusobe rw' Ibiriho*  
**...INYIGISHO ZA BURI MUNSI**

---

---

[www.rhapsodyofrealities.org](http://www.rhapsodyofrealities.org)



KU WA KANE 1

## MENYA UWO URI WE MURI KRISTO



*Kandi ntimwishushanye n'ab'iki  
gihe, ahubwo muhinduke rwose  
mugize imitima mishya, kugira ngo  
mumenye neza ibyo Imana ishaka,  
ari byo byiza bishimwa kandi  
bitunganye rwose (Abaroma 12:2).*

**M**bere yo kuza kwa Mesiya, byari byarahanuwe nko Eliya yagombaga kubanza kuza (Malaki 4:5-6). Abanditsi bakoresheje ubu buhanuzi nk'ikimenyetso cyo guhakana ko Yesu ari Mesiya. Ariko abigishwa, kuko bari bariboneye Eliya n'amaso yabo avugana na Yesu ku musozi wo guhindurwa (Soma Matayo 17:1-3), babajije Yesu batí **"Ni iki gituma abanditsi bavuga batí 'Eliya akwiriye kubanza kuza'?"** (Matayo 17:10).

Icyabatangaje, Yesu yemeje ibyo Abanditsi bahamije ko Eliya agomba kubanza kuza mbere y'uko Kristo aza. Arababwira, ati **"Ni ukuri ko Eliya akwiriye kubanza kuza, akagarura byose akabitunganya. Ariko ndababwira yuko Eliya yaje ntibamumenya, ahubwo bamugira uko bashaka. N'Umwana w'umuntu ni ko bazamugira"** (Matayo 17:11-12). Bibiliya iratubwira ngo **"Nuko abigishwa bamenya yuko ababwiye ibya Yohana Umubatiza"** (Matayo 17:13). Eliya yamaze kuza, ariko ntibamumenye kuko barebaga ku by'umubiri.

Uyu munsi, hari Abakristo benshi bameze batyo. Inzozi zabo, ibyo basaba Imana, icyo baharanira kuba

cyo cyangwa kugeraho mu Mana, bamaze kuba cyo no kubigeraho, gusa ntibabizi. Iyi niyo mpamvu ugomba kumenya Ijambo ry'Imana. Kumenya Ijambo ry'Imana nibyo bikumurikira ukamenya icyo uri cyo, ukamenya n'umurage wawe muri Kristo.

Nta kintu na kimwe gikomeye cyangwa cyiza cyaruta Kristo muri wowe, nawe muri We. Wagombye kugera aho wiyumvamo udashidikanya ko uko Ari nawe ari ko uri (Yohani 4:17). Uri ugukiranuka Kwe, ukwigaragaza kw'ibintu bitunganye byose bigaragaza kamere Ye: ineza Ye, impuhwe Ze, urukundo Rue, guca bugufi no guhebuza Kwe!

Nyo mpamvu umurongo wacu ufungura ugukangurira guhinduka mushya mu bwenge bwawe, kuko mu Byanditswe kandi kubw'Umwuka ni ho gusa wamenyera ibyo Imana yamaze kukugira n'ibyo yamaze kugaha muri Kristo.

## KWATURA

**Ibizana ubugingo no kubaha Imana nkeneye byose Imana yarabimpaye! Nanze kureba ku by'umubiri. Nta mpagarara ngira, sinkangwa! Aka kanya icyo Ijambo ry'Imana ritanga cyose ni icyanje haba mu mategeko cyangwa mu buryo bw'ubuzima. Ngendera mu murage wanje, mu migisha yose itangwa n'Ubutumwa Bwiza, mu Izina rya Yesu. Amen.**

## **GUCENGERA IJAMBO:**

1 Abakorinto 3:21-22; 2 Petero 1:3; Abaroma 8:17

**GAHUNDA YO GUSOMA BIBILIYA MU MWAKA 1**

Luka 9:1-17 & Yosuwa 10-12

**GAHUNDA YO GUSOMA BIBILIYA MU MYAKA 2**

Matayo 26:69-75 & Abalewi 1



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## IJAMBO, GUSENGA NO KURAMYA



*Ariko twebweho tuzakomeza gusenga no  
kugabura ijambo ry'Imana  
(Ibyakozwe n'intumwa 6:4).*

**M**u mibanire yawe n'Imana ikintu cya mbere ugomba gusobanukirwa ni icyo Ifite ishaka kukubwira (Ijambo ry'Imana). Icyu kabiri, ni icyo iguhera amahirwe yo kuyibwira (Isengesho). Icyu gatatu ni ukuyihimbaza kwawe, bishobora no kuba mu buryo bwo gutanga ibitambo n'amaturo (Abaheburayo 13:5). Ibyo bitatu ni ingenzi mu mibanire yacu n'Imana.

Muntu ni umwuka, kandi umwuka w'umuntu ukomoka ku Mwuka w'Imana, kandi waremwe n'Ijambo ry'Imana: ***"Kuko mwabyawe ubwa kabiri, mutabyawe n'imbuto ibora ahubwo mwabyawe n'imbuto itabora, mubiheshejwe n'ijambo ry'Imana rizima rihoraho"*** (1 Petero 1:23). Kuba warabyawe n'Ijambo ry'Imana bigusaba gukomeza gutungwa na ryo kugirango ubevo by'ukuri. 1 Petero 2:2 haravuga ngo, ***"Mumere nk'impinja zivutse vuba, mwifuze amata y'umwuka adafunguye, kugira ngo abakuze, abageze ku gakiza."*** Muri Luka 4:4 Umwami Yesu aravuga ngo ***"...Handitswe ngo 'Umwantu ntatungwa n'umutsima gusa.'***

Data buri gihe aravuga; ahora ari mu busabane n'umwuka wawe, agusangiza ibitekerezo bye. Bityo, ntabwo ari amagambo uvuga usenga afite agaciro

yonyine, ahubwo n'amahirwe isengesho ritanga ngo Umwuka w'Imana agukoreho nawe umukoreho.

Duha kandi umwanya mwiza w'igihe cyacu kuramya Imana, aribyo kuririmbiira Imana indirimbo z'ishimwe no guhimbaza. Mu gihe turamya Imana, biba ari igihe cy'ubusabane bw'imyuka; biba ari akanya k'ibyishimo biva ku Mana, aho utwarwa uri mu munezero n'ubwiza by'ukubaho kw'Imana.

Umwami Yesu, muri Yohani 4:23 atangaza ko kuramya kw'ukuri ari ugukozwe mu mwuka no mu kuri; bisobanura ko ugomba kuramya Data bivuye ku mwuka wawe kandi uyobowe n'Ijambo ry'Imana. Bityo, bisaba kwaturira Izina Ryayo bishingiye ku uwo ari we, mu murongo w'uko Ijambo ry'Imana rimutangaza. Haleluya!

## ISENGESHO

**Data wa twese wo mw'ijuru, ndagushimira umugisha wo gutozwa, kurerwa no kubakwa n'Ijambo, kandi na none ndagushimira amahirwe yo kugira ubusabane buhoraho nawe, binyuze mu isengesho. Ndetse na nonaha, ndakuramya kandi ndagushimira icyubahiro cyawe, nshima ubuntu n'ubwiza byawe biri mu buzima bwanje, mu Izina rya Yesu. Amen**

## GUCENGERA IJAMBO:

Ibyakozwe n'Intumwa 20:32; Abefeso 6:18; Abafilipi 3:3

### GAHUNDA YO GUSOMA BIBILIYA MU MWAKA 1

Luka 9:18-36 & Yosuwa 13-15

### GAHUNDA YO GUSOMA BIBILIYA MU MYAKA 2

Matayo 27:1-10 & Abalewi 2



Leave comments on today's devotional at  
[www.rhapsodyofrealities.org](http://www.rhapsodyofrealities.org)



KU WA GATANDATU 3

## TEGEKWA NA KAMERE YAWE Y'UBUMANA



*Kuko mukiri aba kamere. Ubwo muri  
mwe harimo ishyari n'amahane, mbese  
ntimubaye aba kamere koko ntimugenza  
nk'abantu? (1 Abakorinto 3:3).*

**N**iba warabyawe ubwa kabiri, n'ubwo inyuma ku mubiri usa n'umuturanyi wawe utarabyarwa ubwa kabiri, hari impinduka z'ukuri zabaye mu mwuka wawe. Mu by'ukuri, nk'uko bivugwa, wabyawe n'lmana, wabyawe bushya ufite ubugingo na kamere by'lmana. Uretse rero kuba ukunda Imana, ahubwo uri n'ishusho yayo.

Ariko kuko benshi batabizi, baravuga ngo, "twese turi abantu". Oya ntituri kimwe, icyo nicyo wari cyo utarabyarwa ubwa kabiri. "Wowe" w'umuntu yarapfuye, undi wowe mushya araza akomoka ku Mana. Ibi nibyo Yohani yashakaga kuvuga, igihe yavugaga ati, "**Bana bato, muri ab'lmana kandi ba bandi mwarabanesheje, kuko uri muri mwe aruta uri mu b'isi**" (1 Yohana 4:4); bivuga ko waturutse ku Mana, ubuzima bwawe ari ubw'lmana.

Icyo Imana igutezeho ni uko wiga kubaho nk'ufite kamere y'ubumana koko. Nicyo kigamijwe mu guhinduka ukagira umutima mushya. Abaroma 12:2 haravuga ngo, "**Kandi ntimwishushanye n'ab'iki gihe, ahubwo muhinduke rwose mugize imitima mishya....**"

Ushobora kuvuga uti, ariko mu gitabo cy'lbyakozwe n'Intumwa, Petero yabwiye Koruneliyo ko ari umuntu nka we." Ushobora no gufatira icyitegererezo ku gihe mu midugudu y'i Lukawoniyo habuze gato ngo abantu baramye Pawulo kubera ibimenyetso n'ibitangaza yari

yakoze, akababwira ati "**Natwe turi abantu buntu, tumeze nkamwe...**" (Ibyakozwe n'intumwa 14:15).

Dore ico ugomba gusobanukirwa: muri kiriya gihe intumwa zari zitarasobanukirwa neza ubwiru bw'Ubutumwabwiza. Ubundi baba barakoreshe irindi jambo. Bitezereze: Yesu ntigizeze avuga kuriya. Yaravuze ati; "**Jyewe nkomoka hejuru. Mwebwe muri ab'iy'isi, ariko jyewe sindi uw'iy'isi**" (Yohana 8:23).

Igihe Pawulo yasobanukiwe mw'iyerekwa rw'Umwuka ko ari Ugukiranuka kw'Imana muri Kristo Yesu, yabivuze mu yindi mvugo. Yavuze ko Umukristo ari "Icyaremwe gishya" - ubwoko bushya bwa muntu (2 Abakorinto 2:17). Na Petero na we ni ko yazamutse ku rundi rwego, maze mu rwandiko rwe yita Umukristo ko ari "umuntu ufatanyije na kamere y'Imana"; usangijwe ku bumana.

Zaburi 82:6 haravuga ngo, "**Ni jye wababwiye nti 'Muri imana, Mwese muri abana b'Isumbaba byose.**" Niba uvuga, ukabaho nk'umuntu buntu uzagira ibibazo by'abantu basanzwe. Tangira kwiyumvamo ko ufite kamere y'ubumana witoze kugendera mu buzima uhabwa n'Imana.

## KWATURA

**Kuzirikana ku Ijambo ry'Imana byatume nisanisha na kamere yanje y'ubumana iri muri jye! Mbona kandi nsobanukirwa ibintu nk'uwo mu Bwami bw'Imana. Ntekereza, nkavuga, kandi nkabaho nk'usangijwe ubumana. Imana ihabwe icyubahiro!**

## GUCENGERA IJAMBO:

Zaburi 82:5-7; Yohana 10:33-36

**GAHUNDA YO GUSOMA BIBILIYA MU MWAKA 1**

Luka 9:37-62 & Yosuwa 16-19

**GAHUNDA YO GUSOMA BIBILIYA MU MYAKA 2**

Matayo 27:11-25 & Abalewi 3



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## GIHAMYA Y'URUKUNDO RWE



*Ariko Imana yerekanye urukundo rwayo idukunda, ubwo Kristo yadupfiraga tukiri abanyabyaha (Abaroma 5:8).*

Iyo tuvuze ngo "Imana iragukunda," benshi batekereza ko ari imvugo rusange y'urukundo rw'Imana kuri bose. Nibyo, Imana ikunda bose, ariko igitekerezaho kandi ikabana nawe nk'aho yaba ari wowe wenyine uri ku isi. Buri wese muri twe ni uw'agaciro kihariye ku Mana; afite agaciro nk'ako Yesu afite. Uku ni ukuri guhambaye ku buryo bisaba gusobanukirwa Ijambo ry'Imana no kugira imyumvire y'Umwuka ngo ubashe kubyakira.

Imana yahamirishije urukundo igufitiye ikiguzi yishyuye: ubuzima bwa Yesu. Bibiliya iravuga ngo "***Ariko Imana yerekanye urukundo rwayo idukunda, ubwo Kristo yadupfiraga tukiri abanyabyaha***" (Abaroma 5:8). Ibyo bisobanuye ko ku Mana aко ari ko gaciro wari ufite. Iyo uza kuba ari wowe ku isi wenyine wari ukeneye agakiza, Yesu na bwo yari kuza akagupfira. Ntabwo yaje kuko twari benshi.

Luka 15:7 aravuga ngo "***Ndababwira yuko mu ijuru bazishimira batyo umunyabyaha umwe wihannye, kumurutisha abakiranuka mirongo urwenda n'icyenda badakwiriye kwihana.***" Niba ibyo ari ukuri kandi niko biri, ndashaka ko utekereza icyo bivuze kuri Data ko hagira ujya mu muriro. 2 Petero 3:9 haratubwira ngo "***Umwami Imana ntitinza isezerano ryayo, nk'uko bamwe batekereza yuko iritinza. Ahubwo itwihanganira idashaka ko hagira n'umwe urimbuka, ahubwo ishaka ko bosebihana.***"

Ishaka ko buri wese amenya, akakira kandi akagendera mu kuri kw'urukundo rwayo. Yaturagije ubutumwa bw'urukundo rwayo, ngo tubusangize

isi yose. Ibuka, iragukiza yarangiza ikaguhindura umufatanyabikorwa na Yo mu gukiza abandi - uri umuntu ugarura ubugingo. Bityo, reka iyi Pasika ibare ku muntu runaka mu isi yawe utaramenya Umwami. Ufite inshingano yo kugera ku bagukikije ubasha kugeraho ukabasangiza inkuru y'urukundo rwa Kristo n'imbaraga ze zikiza.

Tekereza kubyo intumwa za Kristo zakoze kubwacu ku bijyanye n'ubu Butumwabwiza; batanze byose ndetse n'ubuzima bwabo kuko bumvaga ko bubikwiriye. Bashakaga kumenyekanisha ko Ubutumwabwiza bujya ku bandi, kugeza n'aho bwatugereyeho.

Reka bibe ishyaka ryawe nyamukuru, umunezero, urukundo n'ishema ko utanga kubyo utunze, igihe cyawe n'imbaraga zawe kubwo gusakara kw'Ubutumwabwiza mu isi. Ni iby'icyubahiro gikomeye ndetse ni n'amahirwe kugira uruhare mu kintu nk'icyo gihambaye kandi cy'ubumana.

## ISENGESHO

**Data mwiza, mbega umugisha kumenya ko ntakijijwe n'ibantu bibora nk'izahabu cyangwa feza, ahubwo ngakizwa n'amaraso y'igiciro ya Kristo, nk'ay'umwana w'intama utagira inenge cyangwa ikizinga. Ndageza Ubutumwabwiza hose, kandi ndebeshe abandi amaso yawe y'ineza n'urukundo, mbagezaho inkuru nziza y'agakiza, mu Izina rya Yesu. Amen.**

## GUCENGERA IJAMBO:

Imigani 11:30; Yohana 3:16

**GAHUNDA YO GUSOMA BIBILIYA MU MWAKA 1**

Luka 10:1-24 & Yosuwa 20-22

**GAHUNDA YO GUSOMA BIBILIYA MU MYAKA 2**

Matayo 27:26-37 & Abalewi 4



Leave comments on today's devotional at  
[www.rhapsodyofrealities.org](http://www.rhapsodyofrealities.org)



KU WA MBERE 5

## GUKORERA MU KWIZERA NK'UKW'IMANA



*...ari yo Mana izura abapfuye,  
ikita ibitariho nk'aho ari ibiriho  
(Abaroma 4:17).*

**K**wizera ni ihame ritubeshaho mu Bwami bw'Imana. Bibiliya iravuga ngo “*...Ukiranuka azabeshwaho no kwizera*” (Abaroma 1:17). Kandi ukwizera twahawe ni Ukwizera kw'Imana. Ushobora kugukoresha nk'uko Imana yabigenje mu Byanditswe hose ukabona umusaruro nk'uwayo. Bibiliya iravuga ngo mu kwizera, yaremye isanzure, amasi (Abaheburayo 11:3).

Ntagitangaza kuba Yesu yaravuze muri Mariko 11:22, ati “Mwizere Imana”; ubusemuzi bwinshi buravuga buti “Mugire kwizera kw'Imana” cyangwa “ubwoko bwo kwizera nk'ukw'Imana” - ukwizera kudasanzwe Imana ikoresha. Twabisomye ho mu murongo wacu ufungura: Yita ibitariho nk'aho biriho; ibona ibitagaragara. Kubw' ijambo ryatuwe, uteza kwigaragaza ibintu ubundi bitashoboraga kumvishwa cyangwa kuboneshwa ibyumviro bya muntu.

Twavuga iki se noneho ku bintu bihari ariko udashaka? Bibiliya iravuga ngo, “*Kandi n'ibyoroheje byo mu isi n'ibihinyurwa n'ibitariho, Imana yarabitoranije ngo ihindure ubusa ibiriho*” (1 Abakorinto 1:28). Imana iravuga ngo dukoresha “ibintu bitariho kugira ngo duhindure ubusa ibiriho.” Mbega ihame!

Ijambo “ubusa” hano rikomoka kw'Ijambo

ry'Ikgiriki "katargeō", bivuga gusiba, guhindura ikitariho, guhindura cyangwa guhinduka imburumumaro; gukuraho. Ibi ushobora kubigeraho ukoreshheje amagambo yawe - kwatura ukwizera kwawe. Ukoreshheje amagambo, ushobora gusenya cyangwa gusiba ibintu biriho. Ibuka, ushobora kwita ibitariho nk'aho biriho. Haleluya!

Nta gukandamizwa kuba ku mwana w'Imana. Ibyo waba uri guhura nabyo uyu munsi byose, hari inzira yo kubivamo. Intsinzi iri mu kanwa kawe. Wireba uko ibintu bimeze, kuko bishoboka ko bihinduka. Reba ku bitagaragara - intsinzi yawe - ishusho Ijambo ry'Imana rikwerekwa. Reba icyo Ijambo ry'Imana rikubwira, kandi Ijambo ari ryo ukomeza.

Uko ibyo ucamo bigenda birushaho kuba bibi, rushaho kwatura Ijambo kandi wemeze intsinzi yawe mu Izina rya Yesu. Nta cyabasha guhirika Izina rya Yesu! Rikoreshhe, kandi uzahora utsinda iteka. Imana ishimwe cyane!

## KWATURA

**Ubufindo byatumye imigozi ingerera umugabane ahantu heza; ni koko mfite umwandumwiza. Mbaho ubuzima buzira umuze, mu mutekano, no gutera imbere. Isi iraneshejwe imbere yanje, kandi ngendera mu butware kubyo duhura. Imana ihabwe icyubahiro!**

### **GUCENGERA IJAMBO:**

Abaheburayo 11:1-3; Abaroma 12:3

**GAHUNDA YO GUSOMA BIBILIYA MU MWAKA 1**

Luka 10:25-42 & Yosuwa 23-24

**GAHUNDA YO GUSOMA BIBILIYA MU MYAKA 2**

Matayo 27:38-44 & Abalewi 5



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## INTSINZI MU KANWA KAWE



*I Yeriko hari hakinzwe cyane kuko  
batinyaga Abisirayeli, nta wasohokaga  
kandi nta winjiraga. Uwiteka abwira  
Yosuwa ati Dore nkugabije i Yeriko  
n'umwami waho n'intwari zaho  
(Yosuwa 6:1-2).*

Yosuwa ni umwe mu bavugwa muri Bibiliya bayobowe ku ntsinzi n'ihishuriwa ry'Imana. Ubwo yiteguraga kuyobora Isirayeli muri imwe mu ntambara zikomeye, malayika w'Uwiteka yaramubonekeye amuha ingamba akwiye gukoresha agatsinda umwanzi.

Nubwo umurwa, Yeriko wari urinzwe bikomeye, Ijambo ry'Imana kuri we icyo gihe ryamwijeje intsinzi. Umwuka Wera yahaye Yosuwa ibanga ryo gutsinda. Yaravuze ati, ***Namwe ab'ingabo mwese muzazenguruke umudugudu rimwe, abe ari ko muzajya mukora kumara iminsi itandatu. Kandi abatambyi barindwi bazatware amahembe arindwi y'amapfizi y'intama imbere y'isanduku, ku munsi wa karindwi muzazenguruke umudugudu karindwi, maze abatambyi bavuze amahembe. Amahembe navuga cyane mukumva amajwi yayo, abantu bose bazavugire icyarimwe baranguruye amajwi yabo, inkike z'amabuye zigose umudugudu zizaherako ziriduke, abantu bose bazurire, umuntu wese imbere ye*** (Yosuwa 6:3-5).

Izo nkiye ntizari inkike zisanzwe; zari ibihome byinshi bifatanye. Nyamara, igihe Abisirayeli basakuzaga nk'uko Uwiteka yari yabahaye amabwiriza, inkike zararidutse ziragwa (Soma Yosuwa 6).

Uretse uwo munsi, nta bundi mu mateka y'umuntu

byigeze kubaho ko umuntu asakuza inkike zikomeye zikariduka. Nizera ko igihe basakuzaga, buri wese muri bo yasohoye kode y'ijwi yateje inkike kugwa: imbaraga z'amagambo! Niba gusohora amagambo cyangwa amajwi akwiye bishobora gukubita hasi imipaka igaragara, bizanakubita hasi imipaka y'ubutunzi cyangwa indi mipaka iyo ari yo yose.

Ahari ufile inzitizi mu butunzi; nta mafaranga uri kwinjiza nta n'ari gusohoka. Ibantu birakomeye cyane. Ni igihe cyawe cyo gusingira Ijambo ry'Imana ku bw'icyo kibazo ukarariso. Komeza uvuge kugeza habayeho impinduka. Wa Mwuka Wera wahaye Yosuwa ibanga ryo gufata Yeriko nawe yaguhaye Ijambo Rye. Yaravuze mu 1Abakorinto 3:21 ati, **"Byose ni ibyanyu."** Mu Abaroma 8:17, yavuze ko uri umuragwa w'Imana, ukaba n'umuraganwa na Kristo.

Bika Ijambo Rye mu mutima wawe no mu kanwa kawe uritekerezaho. Komeza utekereza, wiyongorere, ndetse usakuze Ijambo kugeza Ikibazo uhanganye na cyo gisenyukiye imbere yawe. Haleluya!

## ISENGESHO

**Data mwiza, ntacyo bivuze aho ibintu byagera biba  
bibi, kuko utajya ubura uko ugira; uhora uzi inzira  
iva muri buri kibazo. Mfitiye icyizere ingamba zawe  
zidasanzwe ibihe byose. Ubuzima bwanyje, umurimo,  
umuryango n'ubucuruzi birashisha birenze, bitera  
imbere kandi birushaho gukomera buri munsi, uko  
ngendera mu mucyo w'Ijambo ryawe mu Izina rya  
Yesu. Amen.**

## GUCENGERA IJAMBO:

2 Abakorinto 10:4-5; Zekariya 4:6

**GAHUNDA YO GUSOMA BIBILIYA MU MWAKA 1**

Luka 11:1-13 & Abacamanza 1-2

**GAHUNDA YO GUSOMA BIBILIYA MU MYAKA 2**

Matayo 27:45-54 & Abalewi 6



Leave comments on today's devotional at  
[www.rhapsodyofrealities.org](http://www.rhapsodyofrealities.org)



KU WA GATATU 7

## IYO AMAGAMBO YE ATUYE MURI WOWE



***Nimuguma muri jye amagambo yanje akaguma muri mwe, musabe icyo mushaka cyose muzagihabwa (Yohana 15:7).***

Ubusanuro bwa Bibiliya bwitwa Wuest budufasha kubona ko icyo Yesu yagaragaje muri Yohana 15:7 ari amabwiriza kurusha isezerano. Ari kugutegeka gusaba icyo umutima wawe wifuza cyose. Haravuga hati, ***Nimugumana ubusabane buzima nanje n'amagambo yanje akaguma muri mwe yisanga, mbategetse guhita musaba, icyo mushaka, icyo imitima yanyu yifuza cyose, na cyo kizaba icyanyu.***

Ese ushobora kwizera Ijambo rye? Yego, wabishobora! Kwizera ni ukugendera ku Ijambo ry'Imana byeruye. Muri ibi bihe bigoye, ushobora kwishingikiriza ku Ijambo ry'Imana. Yaravuze iti, "Nimuguma muri jye, amagambo yanje akaguma muri mwe, musabe icyo mushaka cyose, muzagihabwa." Bibiliya "The Complete Jewish Bible" ibivuga muri ubu buryo: "Nimuguma mu bumwe nanje, n'amagambo yanje akaguma mu bumwe namwe, muzasabe icyo mushaka cyose, na cyo kizaba."

Icyo usabwa gusa ni ukuguma muri We n'Amagambo Ye akaguma muri wowe. Ese amagambo ya Yesu arisanga muri wowe? Cyangwa uyashyira ku

ruhande? Iyo Amagambo ye atuye muri wowe, biba imigisha gusa; intsinzi gusa; gutunganirwa kutagira imipaka.

Abakorosayi 3:16 haravuga ngo, ***"Ijambo rya Kristo ribe muri mwe rigwiriye...."*** Iyo Ijambo riri muri wowe rikakugumamo, kwizera kwawe kurakomera; bikagushyira mu mwanya wo gusaba no kwiremera ubuzima ushaka, utitaye ku bigaragara.

## ISENGESHO

**Ndagushima, Data uhebuje, kubw'Ijambo ryawe wangeneye uyu muns!** Amagambo ya Kristo atuye muri jye agwiriye, kandi arisanga muri jye. Niringiye Ijambo n'umutima wanje wose, kandi ubwenge bwanje butumbiriye Ijambo; nanze kurangazwa n'amakuru avuga ukundi cyangwa ibigaragara. Bityo, intsinzi, gutunganirwa, gutera imbere n'ubuzima buzira umuze biragaragara mu buzima bwanje kuko nihaye Ijambo wese, mu izina rya Yesu. Amen.

## GUCENGERA IJAMBO:

Abaheburayo 12:2; Yeremiya 17:7-8

**GAHUNDA YO GUSOMA BIBILIYA MU MWAKA 1**

Luka 11:14-36 & Abacamanza 3-4

**GAHUNDA YO GUSOMA BIBILIYA MU MYAKA 2**

Matayo 27:55-66 & Abalewi 7



Leave comments on today's devotional at  
[www.rhapsodyofrealities.org](http://www.rhapsodyofrealities.org)

## Notes

# Notes

## Notes

# Notes



KU WA KANE 8

## KWIZERA NTIGUSABA IBIMENYETSO BIGARAGARA



*Kwizera ni ukumenya rwose ibyiringirwa udashidikanya ko bitazaba, kandi ni ko kuduhamiriza ibyo tutareba ko ari iby'ukuri (Abaheburayo 11:1).*

Tekereza ari nk'umunsi w'isabukuru yawe y'amavuko, maze so wanyu ukunda cyane, w'umukire kandi ugira ubuntu, akaguhamagara akubwira ko amaze kukugurira imodoka. Wahita umwizera maze ako kanya ukanezererwa cyane, n'ubwo uba utarabona iyo modoka. Uko ni ukwizera; ntabwo gusaba ibimenyetso bigaragara.

Impamvu ubyizera ndetse ukanezerwa ni uko uba wizeye imiterere ya so wanyu; naho ubundi, washidikanya kuri ayo makuru. Kimwe n'ibyo, iyo utekereje, ukavuga ndetse ugakora ugendeye ku bunyangamugayo bw'Ijambo ry'Imana, uba ugaragaje ukwizera, kandi uba womatanye no kubona ibisubizo by'indengakamere.

Hari umuntu rimwe witotomberaga uburyo Imana yamuuhaye ijambo ryihariye rijyanye no gukira indwara yari arwaye, ubukire no gusanwa, ariko atangaza ko atigeze abona ibimenyetso by'uko iringamugayo bw'Ijambo ryakoretse mu buzima bwe. Imvugo ye ubwayo yagaragaje kutizera. Ese ni ibihe bimenyetso byerekeye imigisha yawe n'ubuzima bwo gutsinda byaruta Ijambo

ry'Imana?

Jya wemezwa byimazeyo n'Ijambo ry'Imana. Ntugategerezibantu bigaragara mbere yuko ufata icyo Imana ivuga ko ari icyawe. Emera Ijambo ryayo kandi ubeho bijyanye na ryo. Kwizera kwawe ni ko kubigaragaza, kuko kwizera gufata nk'ukuri icyatangajwe n'Ijambo.

## KWATURA

Kwizera kwanje kurakora kandi kuraganza n'ubu! Nshingikiriye ubuzima bwanje ku Ijambo ry'Imana, nanga kunyeganyewa n'imiyaga cyangwa ibigaragara, kuko kwizera kwanje ari icyemezo cy'umutungo w'ibirihohitagaragara. Ngendera mu mucyo w'umurage wanje muri Kristo, mu mbaraga n'ubuntu, mbaho mu buzima bw'ubumana n'ubutunzi bw'indengakamere. Ndi umutsinzi iteka, kuko ntuye kandi nkabeshwaho n'Ijambo. Amen.

### **GUCENGERA IJAMBO:**

Abaheburayo 11:6; Matayo 15:28

**GAHUNDA YO GUSOMA BIBILIYA MU MWAKA 1**

Luka 11:37-54 & Abacamanza 5-6

**GAHUNDA YO GUSOMA BIBILIYA MU MYAKA 2**

Matayo 28:1-10 & Abalewi 8



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## IJAMBO RIKORA RIVUYE KU MANA



*Handitswe ngo 'Umuntu ntatungwa n'umutsima gusa, ahubwo atungwa n'Ijambo ryose riva ku Mana (Luka 4:4).*

cyanditswe cyo hejuru ni igisubizo cy'Umutware kuri kimwe mu bigeragezo bya Satani, kandi kiduha ubushishozi bukomeye cyane ku buryo bwo gukoresha Ijambo. Icyo Yesu yari avuze mu by'ukuri ni uko umuntu atabeshwaho n'umugati gusa, ahubwo abeshwaho n'Ijambo ryose (rhema mu Kigereki) ry'Imana; ntiyavugaga ijambo Logos ry'Imana, ari ryo nteko yose y'ukuri; Ijambo ry'Imana ryahishuwe rigaragaza ibitekerezo Byayo, imiterere, gahunda, intego na kamere byayo. Ariko "Rhema,"ku rundi ruhande, ni ijambo ry'Imana rivuzwe kandi rizima ryerekejwe ku muntu runaka, ku bw'impamvu runaka, n'igihe runaka.

N'ubwo ikintu kiba cyanditswe mu Byanditswe, ushobora kutabeshwaho na cyo niba utakizi cyangwa ngo ukigire icyawe, abe ari wowe kibwira. Icyo uba ufile mu Byanditswe ni Logos y'Imana, inteko yose y'ukuri, ariko ubeshwaho n'ijambo ryose ry'iyo Logos rikubwira muri "ako kanya" k'ubuzima bwawe, cyangwa ijambo ryose Umwuka w'Imana akubwira ryawe.

Iyi ni yo mpamvu ubuhanuzi ari ingenzi. Iyo

wakiriye ijambo ry'ubuhanuzi, riguhesha umugisha kuko ari cyo uba ukeneye muri uwo mwanya. Nk'urugero, ushobora kuba uri mu kibazo gikomeye maze mu buryo butunguranye, ukakira ijambo rivuye ku Mwami rivuga riti, "...dore, ndi kumwe namwe iminsi yose..." (Matayo 28:20).

Ayo magambo yanditswe mu Byanditswe kera, ariko rihinduka "rhema" iyo Umwuka w'Imana arikuzaniye muri ako kanya k'ubuzima bwawe mu byo waba urimo byose. N'aho ayo magambo yaba ari magufi ate, aba yuzuye, kandi yongera guhamya ubwitange bw'Imana kuri wowe; Iri kumwe nawe, kandi ku bw'ijo mpamvu, ntacyo ubuze; wahawe imbaraga, urakomezwa ndetse uhume kerwamo gutsinda! Haleluya!

## ISENGESHO

**Data mwiza wo mu ijuru, ndagushimira ku bw'ijambo ryawe rivugwa kandi rizima rinzaho kubw'Umwuka wawe uko niga ndetse nkatekereza ku kuri kw'Imana kuri mu Byanditswe. Ijambo ryawe rinshyira hejuru nkarenga ibibazo byose, ndetse rikantera guhebuza muri byose, mu Izina rya Yesu. Amen.**

## GUCENGERA IJAMBO:

Abakolosayi 3:16; 2 Timoteyo 3:16

### GAHUNDA YO GUSOMA BIBILIYA MU MWAKA 1

Luka 12:1-21 & Abacamanza 7-8

### GAHUNDA YO GUSOMA BIBILIYA MU MYAKA 2

Matayo 28:11-20 & Abalewi 9



Leave comments on today's devotional at  
[www.rhapsodyofrealities.org](http://www.rhapsodyofrealities.org)



KU WA GATANDATU 10

## KUGERA KU BUKURE MU MWUKA



*Ndabandikiye bana bato, kuko ibyaha byanyu mwabibabariwe ku bw'izina rye. Namwe ba se, ndabandikiye kuko mwamenye uwahereye mbere na mbere. Ndabandikiye basore, kuko mwanesheje Umubi.... (1 Yohana 2:12-13).*

Intumwa Yohana, mu nyandiko yafunguye, abwira ibyiciro bitatu by'abantu: aba mbere, ni abana bato, ubundi abasore, hanyuma ba se. "Ba se" muri ubu buryo ntiyavugaga umubyeyi w'umugabo, ahubwo yavugaga abari barakuze mu by'Umwuka muri Kristo; abatoje abandi kandi bamaze igihe kinini bari mu Mwami barasogongeye ku Mana binyuze mu Ijambo.

Ni abo baba barageze ku kuba abagabo mu Mwuka. Muri bo, Ijambo ry'Umwami rirasohoza. Binyuze mu Mwuka Wera, aba babasha gusobanukirwa no gusobanura imitekerereze y'Imana ku bibazo binyuranye bigari maze bagashimangira gukiranuka Kwayo.

Kugera kuri uru rwego rwo gukura mu mwuka bisaba gusa kwiha lbyanditswe ubyiga unabitekerezaho, ukamenya Ijambo ry'Imana ndetse ukabeshwaho na ryo buri munsi. Muri 2 Timoteyo 2:15 - ubusemuro bwa AMPC, Pawulo atanga inama ati: ***"Ujye ugira umwete***

*(wige, ugire umuhate kandi ukore ibyo ushoboye byose) wo kwishyira Imana nk'ushimwa (wageragejwe akanesha), umukozi udakwiriye kugira ipfunwe, ukwiriranya neza ijambo ry'ukuri (akarikoresha neza kandi akaryigishanya ubuhanga).*” Na Yesu aravuga muri Yohana 5:39 ati, **“Murondora mu byanditswe....”**

Ibyanditswe bifite ububasha bwo kukubaka kugeza ushyitse: **“Kandi none mbaragije Imana n'ijambo ry'ubuntu bwayo, ribasha kububaka no kubahana ibiragwa n'abejejwe bose”** (Ibyakozwe n'intumwa 20:32). Ijambo ni ubuzima bwawe; rero, ujye wiha Ijambo rikubake ndetse rikugaburire. Bibiliya iravuga iti, **“Mumere nk'impinja zivutse vuba, mwifuze amata y'umwuka adafunguye, kugira ngo abakuze abageze ku gakiza”** (1 Petero 2:2). Ijambo ni ryo rishobora guhindura no kubaka ubuzima bwacu ku ngero zose uko ari eshatu: umwuka, ubugingo n'umubiri.

## ISENGESHO

**Data mwiza, umutima wanje ufungukiye kwakira Ijambo ryawe no kubeshwaho na ryo uyu munsi. Ndahinduwe, mvanwa mu bwiza njyanwa mu bundi, kandi nshyirwa mu mwanya wo gusohoza gahunda n'iherezo byawe ku buzima bwanje, mu Izina rya Yesu. Amen.**

### GUCENGERA IJAMBO:

Mariko 12:24; Ibyakozwe n'Intumwa 17:11

#### GAHUNDA YO GUSOMA BIBILIYA MU MWAKA 1

Luka 12:22-48 & Abacamanza 9

#### GAHUNDA YO GUSOMA BIBILIYA MU MYAKA 2

Mariko 1:1-13 & Abalewi 10



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## IBYAHUMETSWE N'IMANA



*Ibyanditswe byera byose byahumetswe n'Imana... (2 Timoteyo 3:16).*

**B**ibiliya, uko tuyifite uyu munsi, ntabwo “yatuguyeho” ivuye mu ijuru; yanditswe n’abantu bera b’Imana bayobowe n’Umwuka Wera. Impamvu bamwe bibaza ku kuri kwa Bibiliya ni uko batarabasha gutandukanya “muhanzi w’Ibyanditswe” n’ “ababyanditse bayobowe.”

Ibitabo mirongo itandatu na bitandatu bigize Bibiliya bifite abanditsi banyuranye. Uhoreye mu Isezerano rya Kera ukagera mu Isezerano Rishya, abanditsi baratandukanye; bose banditse amagambo uko bari bahumekewe n’Umwuka Wera.

Nk’urugero, Pawulo yanditse nyinshi mu nyandiko, nk’igitabo cy’Abaroma, Abatesalonike ba Mbere n’aba Kabiri, Abagalatiya, Abakorinto ba Mbere n’aba Kabiri, Abafilipi, Abakolosayi, etc. Umwuka Wera kandi yasunikiye abahanuzi nka Mose, Yeremiya, Yesaya, n’intumwa nka Petero, Yohana, Yakobo kwandika Ibyanditswe, ariko ntibavugwa ko ari bo babihimbye. Mu murongo wadufunguriye, tweretswe imvano y’Ibyanditswe: ***“Ibyanditswe byera byose byahumetswe n’Imana....”*** (2 Timoteyo 3:16).

Ijambo ry’Ikigiriki ryasobantuwe ngo “byahumetswe” ni “theopneustos,” risobanura ibyahumetswe n’Imana; impumeko y’Imana! “Imana” muri ubu buryo ni Umwuka Wera. Ni we muhanzi w’Ibyanditswe. Niba ushaka kumenya cyangwa kugendera mu bushake

bwuzuye bw'Imana igihe cyose, gusobanukirwa uko ica imanza n'uko ibona ibintu byose bijyanye n'ubuzima, ujye wiga ndetse utekereze ku Byanditswe.

Igice gisoza cya 2 Timoteyo 3:16 gikomeza kutwereka intego y'Ibyanditswe: *“...bigira umumaro wo kwigisha umuntu, no kumwemeza ibyaha bye no kumutunganya, no kumuhanira gukiranuka (mu buzima bwo kwera, mu murongo w'ubushake bw'Imana mu bitekerezo, imigambi n'ibikorwa), kugira ngo umuntu w'Imana abe ashyitse, afite ibimukwiriye byose ngo akore imirimo myiza yose”* (Ubusemuro bwa AMPC). Ibi n'ibindi birenzeho ni byo Ibyanditswe bishobora gukora muri wowe ndetse no kugukorera igihe ubyiga ukanabitekerezaho! Uzaba ufite amahirwe yose ukeneye mu buzima, maze unezererwe imigisha yose yuzuye y'umurage wawe n'ubuzima muri Kristo.

## ISENGESHO

**Niyeguriye wese Umwuka Wera ari we Ibyanditswe bikomokaho, we “wahishuye” ubwiru, amabanga, ukuri kwimbitse n'ibyahishuwe by'iteka. Bityo, mfite ihishurirwa ku bwiru n'amabanga y'ubuzima. Ndi umutsinzi iteka, kuko Umwuka w'ukuri anyobora kandi akanyoboza Ijambo rye, ndetse ubwenge Bwe bugaragara mu byo nkora byose. Haleluya!**

## GUCENGERA IJAMBO:

Abefeso 1:15-17; 2 Petero 1:3

**GAHUNDA YO GUSOMA BIBILIYA MU MWAKA 1**

Luka 12:49-59 & Abacamanza 10-11

**GAHUNDA YO GUSOMA BIBILIYA MU MYAKA 2**

Mariko 1:14-28 & Abalewi 11



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## TEGURA UMATIMA WAWE N'IJAMBO



*Nuko ubwenge buzinja mu  
mutima wawe, kandi kumenya  
kuzanezeza ubugingo bwawe.  
Amakenga azakubera umurinzi,  
Kujijuka kuzagukiza  
(Imigani 2:10-11).*

Uramutse witondeye ibyanditse mu Byanditswe bijyanye n'iminsi ya nyuma, ukabisanisha n'ibiri kuba ku isi uyu munsi, wabona koko ko Umwami ari kwitegura, ategurira n'itorero kuza kwe. Inshingano zawe ni ugutegura umutima wawe binyuze mu Ijambo; ubereho We buri munsi.

Nta kintu cyagutegurira kuza k'Umwami nk'Ibyanditswe. 2 Timoteyo 3:15 haratubwira hati, ***"Kandi uzi yuko uhereye mu buto bwawe wamenyaga ibyanditswe byera, bibasha kukumenyesha ubwenge bwo kukuzanira agakiza gaheshwa no kwizera Kristo Yesu."*** Itegerezze igice giciyeho umurongo; ubwenge bw'Imana ni bwo bukujyana mu nzira yose y'agakiza mu kubaho k'Umwami.

Yesu yashimangije akamaro k'Ibyanditswe igithe yavugaga ati, ***"...Umuntu ntatungwa n'umutsima gusa, ahubwo atungwa na buri jambo ry'Imana"*** (Luka 4:4).

Iga Ibyanditswe. Iga kandi wubake ubuzima bwawe ku kuri kw'Imana. Ijambo ryayo rigutoza

kugira imyumvire y'i Bwami, ukagira intego no kwifuza kunezeza Umwami iteka kandi muri byose. Ijambo rireza kandi rikaguhzoa mu mwanya wo guhora witeguye kubona Umwami.

## **KWATURA**

**Binyuze mu Ijambo, no mu mbaraga z'Umwuka Wera, ngenda nk'ukwiye Umwami, munezeza muri byose uko ntegerezanyije ibyishimo kugaruka Kwe kwa hafi. Ubuzima bwanje n'imihate byerekeye Ubwami bwe no kwaguka kwabwo, mu Izina rya Yesu. Amen.**

### **GUCENGERA IJAMBO:**

---

Ibyakozwe n'Intumwa 20:32; 1 Timoteyo 4:15-16;  
Ibyahishuwe 22:20

**GAHUNDA YO GUSOMA BIBILIYA MU MWAKA 1**

Luka 13:1-21 & Abacamanza 12-13

**GAHUNDA YO GUSOMA BIBILIYA MU MYAKA 2**

Mariko 1:29-39 & Abalewi 12



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## GUTEGURWA N'IJAMBO



*Komeza amategeko yanje ukunde  
ubeho, N'ibyigisho byanje ubirinde  
nk'imboni y'ijisho ryawe. Ubihambire  
ku ntoki zawe, Ubyandike ku nkingi  
z'umutima wawe (Imigani 7:2-3).*

**2** Timoteyo 3:16-17 haravuga ngo, “*Ibyanditswe  
byera byose byahumetswe n'Imana kandi  
bigira umumaro... Kugira ngo umuntu w'Imana abe  
ashyitse, afite ibimukwiriye byose ngo akore imirimo  
myiza yose.*” Ntibishoboka ko umuntu ufile ubuzima  
buyoborwa ndetse busunikwa n'Ijambo yatsindwa  
cyangwa yakandamizwa mu buzima. Ijambo rikugira  
umutsinzi bisesuye.

Nubiba urubuto rw'ikigori, nk'urugero, ntuzasarura  
imyembe, pome cyangwa amacunga. Impamvu ni uko  
urubuto ruba rwarakozwe ku buryo rubyara ubwoko  
bwaryo.

Nanone, ushobora kuba warumvise ibyo gukora  
porogaramu zigenga mudasobwa; hashyirwamo  
uruhererekane rw'amabwiriza ashoboza mudasobwa  
kugira icyo ikora. Bisa n'uburyo Ijambo ry'Imana  
rikora. Ni ubwiru bwo kwandika, kandi Imana ni yo  
yaburemye. Kwandika bijyanye n'ikintu kimwe - ni  
ugutegura porogaramu.

Iyo Imana ikuvugishije, iyo Ijambo ryayo rikuje, iyo  
ibya ishaka ni ukwandika “porogaramu” ikayibika  
mu “mutima” wawe, ukaba washobora kuyikoresha,  
kubera uwo Iba yarakugize we. Zaburi 82:6

haravuga ngo, “...*Muri imana, Mwese muri abana b'Isumbaboyose...*” Yaremye abaremyi. Uri umuhanzi.

1 Abakorinto 6:17 haravuga ngo, “*Ariko uwifatanya n'Umwami Yesu aba abaye umwuka umwe na we.*” Yakuzanye mu bumwe na We ubwe, no mu cyiciro cye. Nta gitangaje kuba Yesu yarasubiyemo amagambo twasomye ya zaburi 82:6 muri Yohana 10:34: “... *Ntibyanditswe mu mategeko yanyu ko 'Navuze ngo: Muri imana'?*” Hari ikindi cyiza muri Yakobo 1:18: “*Yatubyarishiye ijambo ry'ukuri nk'uko yabigambiriye, kugira ngo tube nk'umuganura w'ibiremwa byayo.*” Ibi birakomeye cyane!

Uri umuntu w’ “Inyoko-Mana”; ikiremwa cya mbere, cyiza kurusha ibindi kandi cyubashywe kuruta ibindi. Haleluya! Kuba waravutse ubwa kabiri, wazanywe mu bumwe na We; uri mugenzi w’ibiremwa by’ijuru. Imana ishimwe!

## KWATURA

**Ngendera mu kuri n’ibiriho by’Ijambo ry’Imana rihoraho. Ndi umuntu w’ubwoko bw’Imana kuko mfite ubuzima na kamere by’Imana mu mwuka wanje. Nkorana kudahusha n’ubuhanga bwo hejuru, guhebuza, no gutungana. Ndi umuhanzi, umugabuzi n’usakaza imigisha y’iteka; ndayobora kandi nganje muri ubu buzima, nganzanya ubwiza ku bw’imbaraga z’Umwuka Wera. Amen!**

## GUCENGERA IJAMBO:

Gutegeka kwa Kabiri 11:18; Imigani 6:20-21

**GAHUNDA YO GUSOMA BIBILIYA MU MWAKA 1**

Luka 13:22-35 & Abacamanza 14-16

**GAHUNDA YO GUSOMA BIBILIYA MU MYAKA 2**

Mariko 1:40-45 & Abalewi 13



Leave comments on today's devotional at  
[www.rhapsodyofrealities.org](http://www.rhapsodyofrealities.org)



KU WA GATATU 14

## SHYIRA IBITEKEREZO BYAWE KU MURONGO MU ISENGESHO



*Kandi Irondora imitima izi ibyo  
Umwuka atekereza, kuko Umwuka  
asabira abera nk'uko Imana ishaka  
(Abaroma 8:27).*

Yo usenga mu ndimi, kugumisha ibitekerezo  
ku cyo uri gusengera ni ingenzi cyane. Bisa  
n'uburyo Umwuka yakoraga iyo habagaho kurambura  
ibiganza mu Isezerano rya Kera. Urugero, Imana  
yabwiye Mose kurambura ikiganza ku nyanja ngo  
ayigabanyemo kabiri.

Mu bindi bihe byinshi bitandukanye, Yabategetse  
kurambura ibiganza byabo ngo hagire ibintu biba (Soma  
Kuva 7:19, Kuva 8:5 na Yosuwa 8:18). Yagaragazaga  
mu Isezerano rya Kera ko imbaraga z'Imana zishobora  
guhabwa icyerekezo n'ibiganza byawe. Imbaraga zijya  
mu cyerekezo cy'ibiganza byawe.

Ariko urwego rwo hejuru kurusha ibyo ni  
ibitekerezo. Ibitekerezo byawe bikora ibirenze kure  
kurambura ibiganza. Ni yo mpamvu kwanduza  
ibitekerezo ari rimwe mu mayeri akomeye Satani  
akoresha. Aramutse ashoboye kwanduza ibitekerezo  
byawe akabibuza gukora neza, aho ibitekerezo  
byawe ntibibasha kuba igikoresho cyiza cyo kuyobora  
imbaraga z'Imana.

Ni imwe mu mpamvu Imana ishaka ko ugumana  
ubuziranenge bw'ibitekerezo byawe. Uko ibitekerezo  
byawe birushaho gucyu, ni ko birushaho kunoza  
no kuba ingirakamaro mu kuyobora no gusangiza

imbaraga z'Umwuka.

Rero, iyo usenga mu ndimi, ujye ushyira ibitekerezo byawe kuri cya "kintu" ushaka ko Umwuka w'Imana ashyiraho ingufu n'imbaraga bye. Ibitekerezo byawe nibitangira kuzerera, ubigarure ku murongo. Amashusho mabi naza mu bitekerezo byawe, uyirukane. Shyira ku murongo ibitekerezo byawe. Kenshi gashoboka, uvuge uti, "Mu izina rya Yesu, ibitekerezo byanje biri ku murongo."

Yego iyo usenga mu ndimi z'umwuka, umwuka wawe uriyungura, n'ijo ibitekerezo byawe biba bitari hamwe bidafile intumbero. Ariko hari itandukaniro iyo ukeneye kuyobora imbaraga z'umwuka ku iherezo runaka: haba hakenewe icyerekezo cy'ibitekerezo byawe. Rero, mu gusenga, iga gushyira ibitekerezo byawe ku murongo, intsinzi zawe n'ubuhamya ntibizagira iherezo. Haleluya!

## ISENGESHO

**Data ukiranuka, ndagushima ku bw'umugisha wo kuvuga mu ndimi, nkoresha nganira nawe mu magambo y'ijuru, ngo nteze impinduka mu isi yanje. Mu isengesho, ku bw'imbaraga z'Umwuka, mbasha kuyobora ibitekerezo byanje, amarangamutima n'ubushobozibwanye bwose, ngo nihuze n'ubushake bwawe, intego n'ibihe byawe, mu Izina rya Yesu. Amen.**

## GUCENGERA IJAMBO:

1 Abakorinto 14:14-15; Yesaya 26:3

**GAHUNDA YO GUSOMA BIBILIYA MU MWAKA 1**

Luka 14:1-24 & Abacamanza 17-18

**GAHUNDA YO GUSOMA BIBILIYA MU MYAKA 2**

Mariko 2:1-12 & Abalewi 14



Leave comments on today's devotional at  
[www.rhapsodyofrealities.org](http://www.rhapsodyofrealities.org)

## Notes

# Notes

## Notes

# Notes



KU WA KANE 15

## REMA UKORESHEJE AMAGAMBO



*Kwizera ni ko kutumenyesha yuko isi yaremwe n'ijambo ry'Imana, ni cyo cyatumye ibiboneka bitaremwa mu bigaragara (Abaheburayo 11:3).*

A hari wifuza impinduka mu butunzi bwawe, Aubucuruzi, ubuzima, amasomo, umuryango cyangwa umurimo w'Imana; uko byaba bimeze kose, ushobora kuyirema. Nka So wo mu ijuru, ushobora kuvuga amagambo maze ibyifuzo byawe bikaremwa. Ibyo waba uri kunyuramo aka kanya byose; ushobora guhindura umurongo w'ubuzima bwawe ukoresheje amagambo maze ukawuhuza n'umugambi w'Imana kuri wowe.

Bibiliye ivuga ko waremwe mu ishusho y'Imana kandi umeze nka Yo (Itangiriro 1:26). Kuremwa mu ishusho y'Imana bivuze ko waremewe gusa na Yo; hanyuma kuremwa umeze nka Yo bivuze ko waremewe gukora nka Yo. Bityo rero, ufite ubushobozzi bwo kubwira ibintu, cyangwa ibyo uhura na byo, kandi ukabikuramo igisubizo ushaka muri byo.

Mu Itangiriro 1:3 haravuga hati, ***"Imana iravuga iti "Habeho umucyo", umucyo ubaho."*** Yawutegetse gusa kugaragara, urabikora. 2 Abakorinto 4:6 hasobanura neza icyabaye muri icyo gihe. Haravuga hati, ***"Imana yategetse umucyo kuva uturutse mu mwijima, ni yo yaviriye mu mitima yacu...."***

Nanone, mu Itangiriro 1:11-12, Bibiliya ivuga ko Imana yabwiye ubutaka kumeza ubwatsi n'ibimera, biba bityo. Mu Itangiriro 1:20-21, na ho, Bibiliya iravuga iti, ***"Imana iravuga iti "Amazi yuzuremo ibyigenza byinshi cyane bitite ubugingo...."*** Imana yavugishije amazi, na yo azana ubwoko bwose bw'ibiremwa. Umurongo wacu ngenderwaho uravuga uti, ***"Kwizera***

*ni ko kutumenyesha yuko isi yaremwe n'ijambo ry'Imana, ni cyo cyatumye ibiboneka bitaremwa mu bigaragara*" (Abaheburayo 11:3). Niba ibintu bigaragarira amaso byararemwe mu bitagaragara, ubwo ibi "bintu bitagaragara"- amagambo tuvuga ava mu kanwa kacu - agomba kuba ari uduce duto cyane tugize ibintu.

Amagambo tuvuga aba ari ubutumwa burimo kode zikora imivumba (wave) y'amajwi. Izi kode z'amajwi zoherezwa mu bintu, mu mwijima, mu butaka, mu mazi - kandi Imana yagennye igisubizo runaka kigomba guturuka muri buri kimwe muri ibyo. Kuba ibi bintu byaratanze neza ibyo Imana yasabye ni gihama cy'uko hari ubusobanuro byakuye muri izo kode zoherejwe muri byo binyuze mu magambo.

Abefeso 5:1 mu busemuro bwa AMPC haravuga hati, "**NUKO MWIGANE Imana [muyikopere kandi tuyifatireho urugero], nk' abana bakundwa [bigana se].**" Imana igutegerejeho kuyigana, gukora nka Yo. Ukoreshheje amagambo yawe, ushobora guhindura ibibazo bidaftiwe ibyiringiro. N'ubwo waba usanzwe ufile ubuzima buhambaye, ushobora kubugira bwiza kurushaho ukoresheje amagambo yawe yuzuye ukwizera.

## KWATURA

**Nkoresha umunwa wanjye ndema ahazaza hanje heza nshaka kubona. N'aka kanya, ndatura amagambo yo gutunganirwa, gukomera, ubuntu, intsinzi no kuzamurwa mu ntera ku muryango wanjye, ubucuruzi, amasomo, n'amagara byanjye. Mbayeho mu kuri k'umurage wanjye muri Kristo. Haleluya!**

## GUCENGERA IJAMBO:

Abaheburayo 11:3 AMPC; Zaburi 33:6

### GAHUNDA YO GUSOMA BIBILIYA MU MWAKA 1

Luka 14:25-15:1-10 & Abacamanza 19-21

### GAHUNDA YO GUSOMA BIBILIYA MU MYAKA 2

Mariko 2:13-22 & Abalewi 15



Leave comments on today's devotional at  
[www.rhapsodyofrealities.org](http://www.rhapsodyofrealities.org)



KU WA GATANU 16

## INTWARO ZACU Z'INTAMBARA



*Kuko intwaro z'intambara yacu atari iz'abantu, ahubwo imbere y'Imana zigira imbaraga zo gusenya ibihome no kubikubita hasi (2 Abakorinto 10:4).*

Intwaro z'intambara zacu zifite imbaraga binyuze mu Mwuka Wera zo gukubita hasi ibihome by'umwijima: ibihome byo mu bitekerezo, ibigaragara, ibyo mu bwenge, n'ibyo mu butunzi. Iyo ibihome byiyubatse ngo birwanye umurimo w'Imana, inzu y'Imana, cyangwa umurimo w'Ubutumwabwiza, dukoresha intwaro zacu.

Si Abakristo benshi babona ko turi mu ntambara, nyamara Bibiliya itubwira "kurwana intambara nziza" (1 Timoteyo 1:18). Mu murongo wacu ufungura, Bibiliya ntivuga ku ntwaro z'urugamba rwa Yesu, ahubwo ni "iz'intambara yacu." Imana ishimwe ko dufite intwaro! Imwe muri zo ni iyo Intumwa Pawulo yise "**inkota y'Umwuka, ari yo Jambo ry'Imana**" (Abefeso 6:17).

Iyo nkota y'Umwuka ni na yo Daniyeli yerekezagaho ubwo yavugaga ati "**Imbere ye hatembaga umuriro**" (Daniyeli 7:10). Daniyeli yayibonye mu buryo bw'ubwiza kurushaho. Yohana yayise "inkota iva mu kanwa Ke" (Ibyahishuwe 19:15). No mu 2 Abatesalonike 2:8, Pawulo yayise, "**...umwuka wo mu kanwa Ke.**" Yavugaga uwo muriro watembaga

Daniyeli yavuzeho. Iyo ikeneye kuba inkota, ikora nk'inkota; iyo igomba kugenda nk'umwuka, isohoza ikigenderewe. Haleluya!

Imana yacu iyobora abana bayo mu ntambara ngo batsinde (Kuva 15:3, Kuva 14:14, Zaburi 24:8, Ibyahishuwe 19:11). Hariho abamalayika b'abarwanyi Imana yohereza ku bwacu. Bityo, turanesha mu ntambara zose. Haleluya!

Mu buzima bwawe, ntukagire icyo utinya; ntukagire uwo utinya. Koresha inkota y'Umwuka; koresha Izina rya Yesu. Ijambo rivuga ko twanesheje imyuka yose ya antikristo. Imbaraga z'umwijima ziri munsi y'ibirenge byacu. Muri Kristo Yesu, twanesheje isi. Muri buri mibereho, ushobora gutangaza uti "ndushishwaho kunesha. Uri muri jye arakomeye kurusha uri mu b'isi!" Uko dusohora intwaro zacu binyuze mu Mwuka Wera, turatsinda kuri buri ncuro. Imana ihimbazwe!

## ISENGESHO

**Ndasengera benshi hirya no hino ku isi uyu munsi bugarijwe n'ibitekerezo bibi by'ubwoba, kuneshwa no gutsindwa; ndatangaza ko babohorwa, kandi ndahamya ko Ijambo ry'Imana riganza ubwenge bwabo kandi rikanesha mu buzima bwabo, mu Izina rya Yesu. Amen.**

## GUCENGERA IJAMBO:

Yeremiya 1:10; Zekariya 4:6-7

### GAHUNDA YO GUSOMA BIBILIYA MU MWAKA 1

Luka 15:11-32 & Rusi 1-4

### GAHUNDA YO GUSOMA BIBILIYA MU MYAKA 2

Mariko 2:23-28 & Abalewi 16



Leave comments on today's devotional at  
[www.rhapsodyofrealities.org](http://www.rhapsodyofrealities.org)



KU WA GATANDATU 17

## IHAME RY'UBWAMI



*Ntimuyobe: Imana ntinegurizwa izuru, kuko ibyo umuntu abiba ari byo azasarura (Galatians 6:7).*

**U**bwami bw'Imana ni ubwami bukora, kandi bufite amahame. Urugero, gutanga no kwakira ni ihame ry'ingenzi ryo mu bwami. Mu Itangiriro 8:22 haratubwira ngo *"Isi ikiriho, ibiba n'isarura, n'imbeho n'ubushyuhe, n'impeshyi n'urugaryi, n'amanywa n'ijoro, ntibizashira."*

Muri Yohana 12:24, Umwami yaravuze ngo *"Tega amatwi witonze: iyo akabuto k'ishaka kadahambwe mu butaka, ngo gapfe, nta kindi kaba cyo uretse akabuto k'ishaka. Ariko iyo gahambwe, karashibuka kakibyaramo izindi mbuto nyinshi"* (Ubusemuro bwa Message). Iyo nta mbuto ubibye, nta mpamvu uba ufile yo gутegereza umusaruro. Ihame ry'ubwami ry'igihe cy'ibiba n'isarura riguha kuba mu buzima bw'iterambere Imana yakugenye; ni ihame rikora.

Ntacyo ubwiza bw'imbuto buvuze iyo iri mu ntoki zawe cyangwa se ikindi wazikoresha cyose; igihe cyose utarayibiba nta musaruro izatanga. Uko ni ukuri k'ubwami! Imbuto ntimenya uyifite - yaba ari umuntu mwiza cyangwa se umuntu w'umugome - igihe cyose imbuto igeze ahantu hakwiriye ibyara umusaruro itegerejweho.

Iri hame ry'ubwami rikora ku bintu byose bijyanye n'ubuzima. Umusaruro umuhinzi abona ujyana n'imbuto aba yarateye. Nk'uko biri ku muhinzi, ni nako biri no kuri wowe. Imbuto zawe zishobora kuza mu buryo butandukanye; zishobora kuba igihe cyawe, ubuhanga bwawe, cyangwa se indi mpano yose Imana

yaguhayemo umugisha kubw'ubuzima bw'ubwiza. Gukomera k'ubuzima bwawe n'ubwiza bubamo bizagenwa n'icyo ukoresha imbuto yawe.

Urugero, nk'izi nyigisho uri gusoma aka kanya, "Urusobe rw'Ibiriho" ni igikoresho cy'ingirakamaro mu ivugabutumwa rusange. Ushobora kugira uruhare mu gusakara kwaryo, kugera kure no gukwirakwira mu isi muri ibi bihe bya nyuma. Iyemeze kumenyekanisha ko Ubutumwabwiza bugera ku bataragerwaho, ndetse bukagera no mu byaro bya kure. Kora icyo ushoboye cyoese kubwabyo.

Ibuka, uko urushaho gutanga, ni ko Umwami arushaho kuguha umugisha, kandi ni ko urushaho gukomera. Koresha iri hame urebe uburyo ubuzima bwawe bugenda buva mu bwiza bujya mu bundi. Umwami azagwiza imbuto zawe ubiba kandi yongere imbuto zo gukiranuka kwawe. Azaguhundagazaho ubuntu ngo uhore urushaho kwera imbuto no kuba mu burumbuke.

## ISENGESHO

Data mwiza, ndanezerewe kuko ubasha kungwizaho ubuntu bwose kugira ngo iteka kandi muri byose, mbe nihagije kandi ndi mu burumbuke. Ubwo ntanga ku gihe cyanjye, impano zanje cyangwa ubutunzi kubw'Ubutumwabwiza, mfite icyizere cy'umusaruro wikubye w'imigisha no kwaguka mu mbuto zo gukiranuka kwanjye, bitera kwinjira kw'ubugingo bwa bensi mu Bwami bwacu bw'ubwiza, mu Izina rya Yesu. Amen

## GUCENGERA IJAMBO:

Itangiriro 26:12; 2 Abakorinto 9:6-11

### GAHUNDA YO GUSOMA BIBILIYA MU MWAKA 1

Luka 16 & 1 Samweli 1-2

### GAHUNDA YO GUSOMA BIBILIYA MU MYAKA 2

Mariko 3:1-7 & Abalewi 17



Leave comments on today's devotional at  
[www.rhapsodyofrealities.org](http://www.rhapsodyofrealities.org)



KU CYUMWERU 18

## FATA UMWANYA WAWE W'UMUTAMBYI-USENGA



*Ishimwe ryo gusingiza Imana ribe mu  
mihogo yabo, N'inkota ibe mu ntoki  
zabo, yo guhōrēsha amahanga, No  
guhanisha amoko ibihano*  
(Zaburi 149:6-7).

byemezo n'amahitamo bibi bya benshi mu bayobozi b'isi byateje gusenyuka no kugwa kw'ubukungu, n'izindi ngorane zitavugwa ziri mu mpande zose z'isi uyu munsi. Mu Byanditswe, ubona ko ibi bintu byari byaravuzwe kera cyane, none ubu bikaba biri gucurwa n'imbaraga za satani.

Umugambi wa leta y'isi imwe, ubukungu bw'isi imwe n'idini ry'isi rimwe byose byari byarahanuwe muri Bibiliya. Bibiliya iravuga ngo ***"Imanza zitabera zisubizwa inyuma no gukiranuka kugahagarara kure, kuko ukuri kwaguye mu nzira, kandi gutungana ntikubasha kwinjira. Ni ukuri koko, ukuri kurabuze, uretse ibibi aba umunyage. Uwiteka yarabibonye ararakara kuko nta manza zitabera zihari, kandi abona ari nta muntu uhari, atangazwa n'uko nta n'uwo kubitwarira. Ni cyo cyatumye ukuboko kwe ari ko kwamuzaniye agakiza, kandi gukiranuka kwe kukamutera gushikama"***

 (Yesaya 59:14-16).

Interuro "nta n'uwo kubitwarira" irasobanuye ngo "...nta mwinginzi uhari...." Ese urabona impamvu ugomba gufata umwanya wawe nk'umutambyi-usenga, nk'umwinginzi? Nitwe twubahiriza ubushake bwa Data; nitwe tugomba gushimangira ubwami bwe n'ubukiranutsi bwe mu isi no mu mitima y'abantu. Uru ni uruhare rwave uyu munsi nk'Umukristo.

Ntukiyicarire aho ngo ureberere ubwo burimbuzi bw'ubugome n'akaduruvayo ngo bikomeze nta nkomyi. Hagarara, uvuge uti "Hoya!" ku mpagarara, akavuyo, gusenya, akaduruvayo n'akaga satani yashumurije isi!

Gira umwete wo kwindingira abayobozi b'isi, abakuru b'ibihugu n'aba za leta, kugira ngo imitima yabo n'ubwenge bwabo biyoborwe kure y'uburiganya bwa satani. Sengera ko bazibukira amahitamo n'ibyemezo bishyira mu kaga ahazaza h'ibihugu byabo, kandi barwanye ibitekerezo bishora abantu babo mu bukene n'urupfu.

Bishobora gufata iminsi, ibyumweru cyangwa amezi mbere y'uko ubona impinduka wifuza, ariko ntuhagarare; komeza usenge, kuko uri guteza "kwimuka"mu buryo bw'Umwuka; ibintu biri guhinduka mu cyerekezo cy'ubushake bw'Imana n'umugambi wayo ku isi yacu ubwo dusenga. Imana ihabwe icyubahiro!

## ISENGESHO

**Data ukiranuka, ubutware buriho butegekwa nawe; bityo, ndasenze ngo ubukiranutsi bwawe buganze mu buzima bw'abayobozi b'ibihugu mu isi. Rinda ubwenge bwabo inama mbi no guhitamo nabi; kandi bahabwe ubwenge bw'Imana, mu Izina rya Yesu. Amen.**

## GUCENGERA IJAMBO:

Yakobo 5:16 AMPC; Abefeso 6:18

**GAHUNDA YO GUSOMA BIBILIYA MU MWAKA 1**

Luka 17:1-19 & 1 Samweli 3-7

**GAHUNDA YO GUSOMA BIBILIYA MU MYAKA 2**

Mariko 3:8-19 & Abalewi 18



Leave comments on today's devotional at  
[www.rhapsodyofrealities.org](http://www.rhapsodyofrealities.org)



KU WA MBERE 19

## IMBARAGA N'IMITERERE BY'IBYANDITSWE



*Ibyanditswe byabwiye Farawo biti  
“Icyatumye nkwimika ni ukugira ngo  
nkwerekanireho imbaraga zanjye...  
(Abaroma 9:15).*

『Mu myaka yashize, nyuma ya gahunda imwe yari yitabiriwe n'abakozi b'Imana benshi, umwe muri bo yarambwiye ati, "uvuga Ibyanditswe nk'aho ari umuntu." Naravuze nti, "Yego ni ko biri!" Ni ingenzi ko umenya ibi: Ibyanditswe bifite uwo biri byo n'imiterere. Ibi nibyo Yesu yahishuye mu bantu bitandukanye yavuze ku Byanditswe.

Intumwa Ze zasobanukiwe uko kuri, maze ziragukwirakwiza. Urugero, umurongo wacu ufungura uravuga uti, "Ibyanditswe byabwiye Farawo biti...." Yashoboraga kuvuga ati, "Imana yabwiye Farawo..." kandi byari kuba ari byo, kubera ko tuzi yuko Imana yavugishije Farawo; icyo nicyo Ibyanditswe bitubwira. Bibiliya ivuga ko Mose yagiye kwa Farawo akavuga ati, "**Uwiteka Imana y'Abisirayeli, aravuze ngo 'Rekura ubwoko bwe bugende...**" (Kuva 5:1).

Na none, dusanga Pawulo asubiramo ukuri gusa n'uku mu rwandiko rwe yandikiye Abagalatiya mu Bagalatiya 3:8. Yaravuze ati, "**Kandi ibyanditswe byamenye bitaraba yuko Imana izatsindishiriza abanyamahanga kuko bizeye, bibwira Aburahamu ubutumwa bwiza bw'ibitaraba biti "Muri wowe ni mo amahanga yose azaherwa umugisha."**" Ntihavuga ko Umwuka yabwirije Aburahamu, cyangwa ngo Umwami yabwirije Aburahamu. Havuga ko Ibyanditswe byabwirije Aburahamu. Ibyanditswe "byaramuvugishije".

Mu Bagalatiya 3:22 haravuga hati, "**Ariko**

*ibyanditswe bivuga yuko byose byakingiraniwe gutwarwa n'ibyaha, kugira ngo abizera bahabwe ibyasezeranijwe, babihehejwe no kwizera Yesu Kristo*”. Na none, reba mu Bagalatiya 4:30; ntihavuga ngo, “Ni iki Imana yavuze?” Ahubwo haravuga hati, “... Ni iki Ibyanditswe bivuga?” Ni ingenzi cyane ko ushyira imbere Ibyanditswe.

Nushaka kugira icyo umenya, jya muri Bibiliya ushake icyo Imana ikivugaho. Icyo Imana ikivugaho cyose nicyo kigomba kuba icy'ingenzi kuri wowe. Ubaka ubuzima bwawe ku Byanditswe, kuko bibasha gutuma uba umunyabwenge mu gakiza (2 Timoteyo 3:15), ndetse bikaguhindura umutsinzi byuzuye; wuzuye ndetse ushoboye, uhamye ndetse ufite ibikenewe byose ngo akore umurimo mwiza wose (soma 2 Timoteyo 3:16 mu busemuro bwa AMPC). Haleluya!

## ISENGESHO

**Urakoze Data, kubw'umugisha no gukorwaho nakira bivuye ku kwiga Ibyanditswe, ndetse no guhishurirwa ahahise, uyu munsi n'ahazaza h'imigambi na gahunda zawe ku Itorero, kuri jye no ku isi. Ndahindurwa nkava mu bwiza njya mu bundi—nduzuye ndetse ndashoboye, ndahamye kandi mfite ibikenewe byose ngo nkore imirimo myize yose ubwo ngendera mu nzira wateguriye ubuzima bwanjye mbere, mu Izina rya Yesu. Amen.**

### GUCENGERA IJAMBO:

2 Timoteyo 3:14-17; Abaroma 15:4; Abaroma 9:17

#### GAHUNDA YO GUSOMA BIBILIYA MU MWAKA 1

Luka 17:20-18:1-14 & 1 Samweli 8-10

#### GAHUNDA YO GUSOMA BIBILIYA MU MYAKA 2

Mariko 3:20-35 & Abalewi 19



Leave comments on today's devotional at  
[www.rhapsodyofrealities.org](http://www.rhapsodyofrealities.org)



KU WA KABIRI 20

## ASHAKA KO UBA MU MAGARA MAZIMA



*Ukundwa, ndagusabira kugira  
ngo ugubwe neza muri byose, ube  
mutaraga nk'uko umutima wawe  
uguwe neza (3 Yohana 1:2).*

**G**ukira indwara bivuye ku Mana ni rimwe mu Gitangiriro ry'inzego z'ubuzima bukomeye kurushaho. Gukira indwara ni byiza, ariko hariho ubuzima bukomeye kuruta gukira indwara. Imana ntishaka ko ubaho mu rwego rwo gukira indwara imwe cyangwa iyindi buri gihe. Ishaka ko ugera ahantu h'intsinzi, aho usobanukirwa amagara y'ubumana, asumba gukizwa indwara.

Ushobora kumbwira uti, "Mushumba Chris, nsengera abantu bagakira indwara, ariko iyo mfite ikibazo mu mubiri, ndasenga nkakora ibyo nzi gukora byose, ariko sinkire." Bivoroshye: Imana ntiyigeze ikubwira ngo wisengere kugira ngo ukire indwara. Kuba warabikoze bigakunda igihe wari ukiri Umukristo w'uruhinja ntibivuze ko ugomba gukomeza gutyo (Ibyakozwe n'intumwa 17:30). Iyi ni yo mibereho ibabaje y'Abakristo benshi; no gukira indwara biba ikibazo, mu gihe batakagombye no kurwara.

Umurongo wacu ufungura uravuga uti, "Ukundwa, ndagusabira kugira ngo ugubwe neza muri byose, ube mutaraga...." Ntabwo uvuga uti, "Ukundwa ndagusabira ngo ugubwe neza muri byose kandi ukire indwara." Ashaka ko uba mu magara mazima. Gahunda y'Imana kuri wowe ni amagara y'ubumana! Ntishaka ko uba urwaye umutwe, za gripe n'umuriro; ntihagomba kubaho diyabete, kurwara igifu cyangwa

ikintu nk'ibyo kuri wowe. Singira uku kuri kandi ubeshweho na ko.

Niba wabagaho ukira indwara ujya mu yindi, ibwire uti, "Sinzongera kurwara n'undi munsi n'umwe mu buzima bwanje, kubera ko Ijambo ry'Imana rimpaka ubwishingizi bw'amagara y'ubumana." Niwumva ibimenyetso by'indwara mu mubiri wawe, ntukuke umutima. Koresha Ijambo! Igumishe mu magara mazima ukoresheje Ijambo ry'Imana; ni umuti.

Mu Migani 4:22 havuga herekeza ku Ijambo ry'Imana hati, ***"Kuko ari byo bugingo bw'ababibonye, Bikaba umuze muke w'umubiri wabo wose."*** Ha gahunda umubiri wawe yo kugendana n'Ijambo ry'Imana igihe cyose. Renga urwego rwo gukenera gukira indwara, ugere ku kubaho mu magara y'ubumana buri munsi. Uri icyaremwe gishya muri Kristo, gifite ubuzima bw'ubumana, bwa buzima Imana ifite. Ni gute wagira ubwo buzima maze ugakandamizwa n'ibiri mu isi? Kugendera mu magara y'ubumana niyo mahitamo y'Imana aruta ayandi kuri wowe.

## KWATURA

**Ndi ufatanya n'ibiremwa-Mana, kandi mfite ubuzima butarimbura bw'Imana muri jye. Navutse mfite ubuzima bw'umuzuko burenze uburwayi n'umeze. Bityo rero, ngendera mu magara y'ubumana buri munsi! Haleluya!**

## GUCENGERA IJAMBO:

1 Abakorinto 13:11; 1 Yohana 5:13; Yesaya 33:24

### GAHUNDA YO GUSOMA BIBILIYA MU MWAKA 1

Luka 18:15-43 & 1 Samweli 11-13

### GAHUNDA YO GUSOMA BIBILIYA MU MYAKA 2

Mariko 4:1-12 & Abalewi 20



Leave comments on today's devotional at  
[www.rhapsodyofrealities.org](http://www.rhapsodyofrealities.org)



KU WA GATATU 21

## MENYA IBYANDITSWE KUBW'UMWUKA



*Maze abungura ubwenge ngo  
basobanukirwe n'ibyanditswe  
(Luka24:45).*

**N**i ingenzi cyane ko umenza Ibyanditswe ku gitu cyawe. Nicyo gikoresho cyonyine cyizewe cyo kugufasha kugenda neza mu nzira ziruhije ziri imbere. Imana yabwiye Yosuwa ko nazirikana Ibyanditswe, azatunganirwa ndetse agahirwa mu nzira ze.

Yesu yari umwuzuro w'ubumenyi, umwuzuro w'ubwenge, nyamara yaganishije abamwumvaga ku Byanditswe. Ndetse, igitangaza cya mbere yakoze nyuma yo kuzuka Kwe cyari kijyanye n'Ibyanditswe, nk'uko twasomye mu murongo wacu ufungura. Yashakaga ko bamenya Ibyanditswe cyane ku buryo yabafunguye "Ubwenge ngo basobanukirwe n'ibyanditswe."

Yashimangiye Ibyanditswe. Yabigishije amagambo y'abahanuzi mu Byanditswe byose kugira ngo abamenyeshe ubuhanuzi bwavuzwe kuri Kristo. Agitangira Umurimo we, yahagaze mu Isinagogi ngo asome umuzingo wa Yesaya nk'uko bivugwa muri Luka 4:16-21, maze aravuga ati, "Uyu munsi ibyo byanditswe bisohoye mu matwi yanyu." Yashimangiye gusohoza kw'Ibyanditswe kandi ko Ibyanditswe byari ihishurwa Rye ubwe ubwo yigishaga aba bigishwa nyuma yo kuzuka Kwe.

Bibiliya iravuga iti, "**Atangirira kuri Mose no ku bahanuzi bose, abasobanurira mu byanditswe byose ibyanditswe kuri we**" (Luka 24:27). Ubuzima Bwe bwose bwari bugendanye n'Ibyanditswe. Iki ni ikintu ugomba kwitaho cyane; shingira ubuzima bwawe ku Byanditswe. Muri Yohana 5:39 haravuga hati,

**“Murondora mu byanditswe, kuko mwibwira ko muri byo arimo mufite ubugingo buhoraho, kandi ari byo bimpamya.”**

Ariko kumenya Ibyanditswe ntabwo ari mu mutwe; kumenya Ibyanditswe ni kubw’Umwuka; nta Mwuka, ntiwabimena. Ntabwo ari ibyo gusubiramo mu mutwe kugira ngo ugire uwo utangaza, ahubwo ni ibyo kubeshwaho nabyo. Ntacyo bimaze kubyiga kugira ngo ushabore kubisobanurira umuntu wese maze utangaze abandi igihe bidafite imbaraga mu buzima bwawe. Nutabaho ubikurikije, kubimena mu mutwe ntacyo bizakumarira. Rero, iyemeze ko binyuze mu Mwuka, uzaba inzobere mu Byanditswe. Ita ku Ijambo. Rimenye kubw’Umwuka. Niryo rigomba kukubeshaho; rigenewe ubuzima bwawe.

## ISENGESHO

**Urakoze Data wo mu ijuru, kubw’Ibyanditswe ukoresha unyobora maze ukanjana mu hazaza wanteguriye. Mbaho mfite icyizere kandi nishimye buri munsi, kuko nziko uri kumwe nanjye, uri muri jye kandi unshyigikiye. Ubwo nita ku Byanditswe biruseho binyuze mu Mwuka, amaso yo gusobanukirwa kwanje ahora amurikirwa ngo ngendere mu nzira wanteganyirije, mu ntsinzi no gutunganirwa birenze kamere, mu Izina rya Yesu. Amen.**

## GUCENGERA IJAMBO:

Matayo 22:29; Imigani 4:20-22 NASB

### GAHUNDA YO GUSOMA BIBILIYA MU MWAKA 1

Luka 19:1-27 & 1 Samweli 14-15

### GAHUNDA YO GUSOMA BIBILIYA MU MYAKA 2

Mariko 4:13-20 & Abalewi 21



Leave comments on today's devotional at  
[www.rhapsodyofrealities.org](http://www.rhapsodyofrealities.org)

## Notes

# Notes

## Notes

# Notes



KU WA KANE 22

## TANGAZA IBIGOMBA KUBA AHAGUKIKIJE



*Ndababwira ukuri yuko umuntu wese  
wabwira uyu musozi ati 'Shinguka  
utabwe mu nyanja', ntashidikanye mu  
mutima we, yizeye yuko icyo avuze  
gikorwa yakibona (Mariko 11:23).*

**N**iba waravutse ubwa kabiri, ufite imbaraga zo guhindura imibereho mibi iri ahagukikije binyuze mu magambo yawe. Ezekiyeli yahanuriye umuyaga, maze ategeka ubuzima kuza mu magufwa yumye kandi abaho (Soma Ezekiyeli 37). Nawe ushobora kubwira ikintu icyo ari cyo cyose kandi kikagusubiza: hanurira ubutunzi bwawe, ubucuruzi bwawe, amasomo yawe, umuryango wawe n'umurimo wawe. Ushobora kurema icyo ushaka binyuze mu kanwa kawe.

Bibiliya iravuga iti "...tuvuga ubwenge bw'Imana mu bwiru..." (Ubusemuro bwa King James). Ibyo bisobanuye imvugo izimije; ab'isi ntibayisobanukirwa; nyamara yashyizweho n'Imana kugira ngo itubyarire umusaruro. Imana ihabwe icyubahiro! Ni ubuhe bwoko bw'amagambo uvuga? Ese arubaka cyangwa ni amagambo asenya?

Ibuka, aho imvugo mbi yororokera ni mu mitekerereze mibi; rero, ugomba kubanza guhindura imitekerereze yawe. Kandi ntugashyigikire imvugo yawe mbi uvuga uti, "ariko ndi kuvuga ibyo mbona bibera impande zanje." Oya! Ahubwo wagombye kuba uvuga ibikwiye kubera impande zawe! Uri Umwami. Umwami avuga ibigomba kubaho.

Ntugahangayike nudahita ubona impinduka ako kanya. Ibintu bishobora kudahinduka mu bigaragara ako kanya, ariko izere neza ko cya gihe wavuze ijambo, iremwa ryatangiye. Uribuka cya giti Yesu yavumye? (Soma muri Mariko 11:12-24). Mu bigaragara inyuma, ibintu byasaga nk'aho nta cyahindutse, ariko Bibiliya ivuga ko cyahise cyuma gihereye mu mizi. Ubwo urekura amagambo yo kwizera ku bijyanye n'ubutunzi bwawe, akazi, ubucuruzi, umurimo w'Imana, amashuri n'ibindi, uzabona impinduka z'ako kanya nyinshi.

Nyamara, hashobora kubaho ibindi bitangaza bifata igihe mbere y'uko byigaragaza. Igihe kiri hagati yo kwatura kwawe no kwigaragaza kw'ibyo watuye si igihe cyo gucika intege cyangwa kwitotomba; ahubwo ni igihe cyo gukaza igititu ku mwanzu; ukomeza kuvuga kugeza ubwo "ibicu byuzuye imvura." Bibiliya ivuga ko iyo ibicu byuzuye imvura, biyisandaza ku isi (Umubwiriza 11:3). Haleluya!

## ISENGESHO

**Data Mwiza, mbega umugisha wo kuba mfite impano yo guhanura ikorera mu buzima bwanjye, nkaba nyikoresha mu guhindura ibibaho mu isi yanjye! Ndahanura ko kubw'imbaraga z'Umwuka w'Imana n'Ijambo, kubakwa, amagara mazima, imbaraga, ubuzima, gutunganirwa, gutera imbere, amahoro n'ibyishimo bigaragara mu buzima bwanjye, mu Izina rya Yesu. Amen.**

### **GUCENGERA IJAMBO:**

Mariko 11:23-24 AMPC; Umubwiriza 8:4; Umubwiriza 11:3

#### **GAHUNDA YO GUSOMA BIBILIYA MU MWAKA 1**

Luka 19:28-48 & 1 Samweli 16-17

#### **GAHUNDA YO GUSOMA BIBILIYA MU MYAKA 2**

Mariko 4:21-29 & Abalewi 22



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## IKUNDA “ABANTU BOSE”



*Kuko Imana yakunze abari mu isi cyane, byatumye itanga Umwana wayo w'ikinege kugira ngo umwizera wese atarimbuka, ahubwo ahabwe ubugingo buhoraho (Yohana 3:16).*

**B**ibiliya iravuga iti, “*Ariko Imana yerekanye burukundo rwayo idukunda, ubwo Kristo yadupfiraga tukiri abanyabyaha*” (Abaroma 5:8). Ayna kabuza niyo makuru ahebuje ndetse akomeye kurusha andi yose ku isi; yuko yadukunze tukiri abanyabyaha, kandi kubera urukundo Rwayo, yohereje Yesu ngo adukize kurimbuka, icyaha n’urubanza. Imana ishimwe!

Mu Baroma 5:6 haravuga hati, “*Tukiri abanyantegenke, mu gihe gikwiriye Kristo yapfiriye abanyabyaha.*” Mbega imbaraga z’iyi mvugo y’Imana! Niba Imana yarakunze abanyabyaha icyo gihe, iracyabakunda n’uyu munsi. Ntabwo yapfiriye Abakristo; yapfiriye abanyabyaha—ababuze ibyiringiro, abanyabyaha b’abagome; abantu bangaga Imana. Iyo umurimo we w’agakiza uza kuba udatunganye cyangwa udahagije maze bikamusaba kongera kubikora, yari kongera! Uko niko urukundo rwe rukomeye.

ibi ni ukugira ngo usobanukirwe umutima w’Imana muri iki gihe. Iyo ibona Satani akoresha abantu mu kurimbura abandi bantu, irashavura. Ndetse na bantu b’ibikoresho bya Satani, ba bandi Satani akoresha

ngo barimbure abandi bantu, Imana irabakunda! Kandi yifuza ko bava mu kutamenya kwabo maze bakamenya urukundo rwayo.

Imana ikunda abantu cyane ku buryo iduhata ngo tubingingire mu bugome bwabo, kutubaha Imana kwabo, kutamenya no mu byaha byabo. Muri 1 Timoteyo 2:1, yashyize imbere gusengera abantu bose: ***“Irya mbere ya byose ndaguhugurira kwingingira abantu bose, no kubasengera no kubasabira no kubashimira.”*** Ibi bigendanye neza n’urukundo rw’Imana.

Ikintu cya mbere itekerezaho mu isi ni agaciro ka buri muntu. Mbere y’uko usengera ibyo ukeneye, akazi kawe, n’ibindi, banza usengere abantu bose. Ishaka ko bamanya urukundo rwayo n’ukuri kwayo. Muri 2 Petero 3:9 havuga ko idashaka ko hagira umuntu n’umwe urimbuka, ahubwo ko bosebihana. Mbega urukundo rutangaje!

## ISENGESHO

**Data ukiranuka, urukundo ukunda abantu bose ruratangaje, kandi warwerekanye binyuze mu rupfu rwa Kristo mu cyimbo cyacu. Nsunikwa n’urukundo rwawe ngo mbwirize Ubutumwabwiza, kandi mpindurire abanyabyaha kuva mu byaha bakajya mu gukiranuka no mu mudendezo w’ubwiza w’abana b’Imana, mu Izina rya Yesu. Amen.**

### GUCENGERA IJAMBO:

1 Timoteyo 2:1-4; 2 Abakorinto 5:19

#### GAHUNDA YO GUSOMA BIBILIYA MU MWAKA 1

Luka 20:1-19 & 1 Samweli 18-19

#### GAHUNDA YO GUSOMA BIBILIYA MU MYAKA 2

Mariko 4:30-41 & Abalewi 23



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## NTUKIRĀRE URI I SIYONI



*Bazabona ishyano ab'i Siyoni bataye umuruho, n'abo mu misozi y'i Samariya biraye, abakomeye b'ubwoko buri imbere mu yandi moko, abo inzu ya Isirayeli bisunga! (Amos 6:1).*

**H**ari bamwe muri twe twamenye ukuri; twakiriye Ijambo. Kandi binyuze mu Ijambo, turaneshu buri munsi, tukabaho ubuzima bwiza ndetse butunyuze. Nyamara, tugomba n'ubundi kwita ku gufasha ba bandi bataramenya ukuri; ba bandi batarasobanukirwa Ijambo ry'Imana.

Tugomba kwita kuri benedata hirya no hino ku isi, cyane cyane ba bandi bari muri za gereza cyangwa se bari guca mu bibagoye. Igihe cyose tutarabinjiza, ntibiba byakarangira. Ntibirakarangira igihe cyose Satani akiri gushuka abandi ndetse ashakisha kurimbura ubuzima; ntidushobora "kwirāra turi i Siyoni."

Soma amagambo y'Umwami akora ku mutima muri Amosi 6:6 avuga ngo, "**Munywera wino mu nzabya ndetse mukisiga amavuta yorohereye kurusha andi, nyamara ntimushavure kubwo gusenyuka kwa Yosefu**" (mu busemuro bwa NIV). Niwumva insengero ziri gutwikwa cyangwa abatambyi n'abashumba n'abakozi b'Imana bafungwa bazira ubusa kubwo kwitangira Ubutumwabwiza, ntukamere nk'aho bitakureba. Ujye upfukama maze usenge.

Ntukitekerezeho wenyine. Ntibirarangira, igihe cyose Izina rya Yesu Kristo ritarasingizwa muri buri gihugu. Byaba ari ku bari mu biro by'abakuru b'ibihugu, bya ba minisitiri b'intebe cyangwa abari mu butware, n'abandi, tugomba kumenya ko Imana yaduhaye umukoro wo kubasengeru no kubagezaho Ubutumwabwiza.

Tugomba kuzana abandi mu mahoro, urukundo n'ibyishimo Imana yaduhaye; naho ubundi, akazi kacu ntikaba karangiyе. Rero, komeza ubwirize ndetse wigishe abandi Ijambo ry'Imana. Komeza wingingire abantu bose hirya no hino ku isi ngo baze mu mucyo w'Imana no gukiranuka kwayo. Maze ku iherezo, uzahamya ushize amanga uti, "narwanye intambara nziza."

## ISENGESHO

**Mwami ushimwa, kubw'Umwuka wawe, uratyaza ubwenge bw'abana bawe hirya no hino ku isi, ubazana mu bumenyi no gusobanukirwa byimbitse Ijambo ryawe. Ubwo twe abana bawe, hirya no hino ku isi tuba twigisha kandi tubwiriza ukuri kwawe none, hari umusaruro ukomeye, kandi benshi barimurwa bavanwa mu mwijima bajyanwa mu mucyo w'itangaza w'abana b'Imana, mu Izina rya Yesu. Amen.**

## GUCENGERA IJAMBO:

Abafilipi 3:13-14; Abefeso 6:18 CEV

**GAHUNDA YO GUSOMA BIBILIYA MU MWAKA 1**

Luka 20:20-21:1-4 & 1 Samweli 20-22

**GAHUNDA YO GUSOMA BIBILIYA MU MYAKA 2**

Mariko 5:1-13 & Abalewi 24



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## GUSINGIRA UMURAGE WAWE



*Nuko musenge mutya muti 'Data  
wa twese uri mu ijuru, Izina ryawe  
ryubahwe, Ubwami bwawe buze, Ibyo  
ushaka bibebo mu isi, Nk'uko biba mu  
ijuru' (Matayo 6:9-10).*

**U**mukiza yigishije abigishwa be gusenga, bakurikije imirongo migari iri mu cyanditswe gifungura. Ntabwo yababwiye ati, "Musenge iri sengesho"; ahubwo, Yababwiye gusenga nk'uko. Ibi byari mbere y'uko asoza umurimo We wo guzungura. Ubu noneho ubwo yatumye agakiza gashoboka kuri bose - haba Abayuda n'abatari abayuda - ntabwo tugikeneye gusenga ukundi ngo Imana iduhe none ibyokurya byacu by'uyu munsi, kuko yamaze kubikora!

Impamvu y'iki cyanditswe gifungura ni uko kitumenyesha ko hari umugabane w'imigisha buri munsi tugenewe ituruka mu ijuru. Umukristo avukana, kandi avukira mu murage mwiza muri Kristo. Ikibabaje, abana benshi b'Imana ntabwo bigeze bigarurira ibyabo bahabwa nk'uburenganzira bwabo. Bityo, hari imigisha myinshi yagwiriye itegereje kwakirwa na ba nyirayo.

Ibyo Imana iguha uyu munsi ntabwo ari nka "manu" yo mu Isezerano Rya Kera Abisirayeli baryaga mu butayu. Nubwo manu yaturukaga mu ijuru, abantu ntabwo babikaga ibyasagutse, kuko byaboraga umunsi

ukurikiyeho. Muri iki gihe, ariko, ibisaguka byacu ntacyo biba, kandi dushobora iteka kubisaba tukabyigarurira dukoresheje amagambo; tubihamagara, mu Izina rya Yesu.

Ibyaremwe byose bifite ubushobozi bwo kwitaba amagambo avuzwe. Uru ni urufunguzo rwo gusingira umurage wawe muri Kristo ukawufata. Ikintu cyose mu byaremwe, cyaba gifatika cyangwa kidafatika, kiribuka. Bityo, byose bishobora kwitaba amagambo avuzwe. Rero, iteka ujye uvuga amagambo aboneye, ubuzima bwawe buzuzura imigisha. Binyuze mu magambo yawe, ushobora guhamagara imigisha yose yagwiriye wamaze guhabwa muri Kristo.

## KWATURA

**Imana ishimwe ihora iduhaza mu migisha, n'Imana y'agakiza kanjye! Muri aka kanya, mbikuje kuri konte yanje yo mu ijuru nkoresheje amagambo yanje natura yuzuye ukwizera; kwatura Ijambo kwanje! Ngendera ku rwego rw'uburumbuke bw'indengakamere kandi nkoresha amahirwe y'ibyo mpabwa n'ijuru buri munsi. Mfite guhazwa kudasanzwe. Haleluya!**

### **GUCENGERA IJAMBO:**

1 Abakorinto 3:21-22; Zaburi 2:8; Ibyakozwe n'Intumwa 20:32

**GAHUNDA YO GUSOMA BIBILIYA MU MWAKA 1**

Luka 21:5-38 &1 Samweli 23-25

**GAHUNDA YO GUSOMA BIBILIYA MU MYAKA 2**

Mariko 5:14-20 & Abalewi 25



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## IBIGIZE IMANA



*Ujye urwana intambara nziza yo kwizera  
usingire ubugingo buhoraho, ubwo  
wahamagariwe ukabwaturira kwatura  
kwiza imbere y'abahamya benshi  
(1 Timoteyo 6:12).*

**B**ibiliya ivuga ko Imana yakunze abari mu'isi cyane ku buryo byatumye itanga umwana wayo w'ikinege kugira ngo umwizera wese atarimbuka, ahubwo ahabwe ubugingo buhoraho (Yohana 3:16). Iyo niyo mpamvu Yesu yaje, guha abantu ubugingo buhoraho kugirango babe mu busabane n'Imana. Ilibazo cyo kwibazwa ni, ese intego Ye yayigezeho? Cyane rwose!

Bibiliya iravuga iti, ***"Kandi uko guhamya ni uku: ni uko Imana yaduhaye ubugingo buhoraho, kandi ubwo bugingo bubonerwa mu Mwana wayo"*** (1 Yohana 5:11). Ntabwo yenda kuduha ubugingo buhoraho! Umurongo ukurikira uravuga uti, ***"Ufite uwo Mwana ni we ufite ubwo bugingo, naho udafite Umwana w'Imana nta bugingo afite"*** (1 Yohana 5:12). Aravuga ubuzima na kamere by'Imana; ubuzima bw'Imana, ibigize Imana.

Ubwo buzima ntibwangirika; ntabwo butsindwa cyangwa ngo bupfe! Ubu nibwo buzima ufite muri Kristo. Abefeso 2:1 haravuga ngo, ***"Namwe yarabazuye (yabagize bazima), mwebwe abari bapfuye muzize ibicumuro n'ibyaha byanyu."*** Ntabwo ugipfiriye mu byaha ukundi. Kuki? Ubu ufite ubugingo buhoraho!

Ilibabaje, Abakristo benshi ntabwo bazi yuko bafite ubugingo buhoraho. Bityo, Yohana yaravuze ati, ***"Ibyo ndabibandikiye mwebwe abizeye izina ry'Umwana w'Imana, kugira ngo mumenye yuko***

***mufite ubugingo buhoraho***” (1 Yohana 5:13). Yohana ibi yarabibandikiye kuko babagaho nk’aho badafite ubugingo bw’Imana.

Ubu, ushobora kwumva neza kurushaho impamvu Pawulo, yandikira Timoteyo, yavuze ati, “...usingire ubugingo buhoraho....” Igice giciyeho umurongo ni “epilambanomai” (mu Kigiriki), kandi bisobanuye gufata ikintu ukagikomeza ntirekure. Uko niko ugomba gusabana n’ubugingo buhoraho. Ntukemere yuko biba ibintu uzi mu bwenge gusa. Bufate; reka bukore muri wowe, bugukorere.

Kenshi, jya watura uti, “Mfite ubugingo buhoraho, mu Izina rya Yesu; bityo, mbaho hejuru y’ibintu byo mu isi; mfite ubutware. Imana ishimwe!” Niba ari ikibazo kijyanye n’ubuzima bwawe, nturire; ahubwo atura, kandi ukomeze watura uti, “Ndatunganywa muri Kristo Yesu; nanze kwemera no gucumbikira uburwayi ubwo ari bwo bwose, umuze cyangwa ububabare mu mubiri wanje, kuko mfite ubuzima bw’Imana muri jye! Nasingiriye ubugingo buhoraho!” Bidatinze, umubiri wawe uzumvira, kuko uba wakozweho n’ubuzima bw’Imana buri muri wowe.

## KWATURA

**Ndatunganijwe muri Kristo Yesu; nanze kwemera no gucumbikira uburwayi, umuze cyangwa ububabare mu mubiri wanje kuko nasingiriye ubugingo buhoraho; ndaganje binyuze muri Kristo, ku bintu byose byo mu isi. Haleluya!**

## GUCENGERA IJAMBO:

Abefeso 2:1-6; Yohana 3:16

**GAHUNDA YO GUSOMA BIBILIYA MU MWAKA 1**

Luka 22:1-38 & 1 Samweli 26-28

**GAHUNDA YO GUSOMA BIBILIYA MU MYAKA 2**

Mariko 5:21-34 & Abalewi 26



Leave comments on today's devotional at  
[www.rhapsodyofrealities.org](http://www.rhapsodyofrealities.org)



KU WA KABIRI 27

## GUSHYIRA IJAMBO RY'IMANA MU BIKORWA



*Kuko umutima ari wo umuntu yizeza akabarwaho gukiranuka, kandi akanwa akaba ari ko yatuza agakizwa (Abaroma 10:10).*

**H**ari ibintu bitatu bikomeye ugomba gukora neza kugirango ushobore gushyira Ijambo ry'Imana mu bikorwa maze unezerererwe buri gihe ibyo Imana yaguteganirije. Icyambere, umutima wawe ugomba kujya mu murongo w'jambo ry'Imana. Bibiliya iravuga ngo ***"Kuko umutima ari wo umuntu yizeza akabarwaho gukiranuka..."*** (Abaroma 10:10). Ibi bisobanura ko uba ukiranutse imbere y'Imana iyo wizeye Ijambo ryayo mu mutima wawe.

Icy kabiri, ubwenge bwawe bugomba kujya ku murongo umwe n'umutima wawe ku birebana n'Ijambo ry'Imana. Ibi bivuga ko Ijambo ry'Imana rigomba kugira ubusobanuro mu myumvire yawe. Bitabaye bityo ntiwabasha kuvuga ikiri ku mutima wawe ukoreshheje amagambo.

Hanyuma icya gatatu, ugomba kuvuga Ijambo "Rhema" (mu Kigiriki); Rhema ni Ijambo riza rigenewe umuntu runaka, mu gihe cyagenwe, kubera impamvu runaka. Ni Ijambo rikora riba ritangiwe ikintu runaka. Mbese ni nk'iryo Ezekiyeli yavugyiye mu kibaya cy'amagufwa yumye; yaravuze ati, "Nahanuye uko

We (Umwami Imana) yari yantegetse.”

Niba ibyo uvuga cyangwa amagambo asohoka mu kanwa kawe atajyana cyangwa ngo yemeranywe n’icyo Imana yavuze, uzabona umusaruro utifuza. Bibiliya iravuga ngo **“Kuko umutima ari wo umuntu yizeza akabarwaho gukiranuka, kandi akanwa akaba ari ko yatuza agakizwa”** (Abaroma 10:10). Ijambo ry’Ikigiriki risobanura kwatura hano, ni “homologio” rivuga gusubira mu magambo undi yavuze wemeranywa na we.

Umwuka adushyira Ijambo ry’Imana ku mutima (Rhema). Kuritekerezaho cyangwa kuryatura bibyara umusaruro utangaje, bikaritera kwigaragaza.

## ISENGESHO

**Data Mwiza, shimirwa Ijambo ryawe ryihariye kandi rikora wampaye uyu munsi ngo ritunganye ibyo nyuramo. Igihe mvuga iryo jambo rhema, nkatura amagambo y’imbaraga arebana n’ubuzima byanje, umutungo wanje, imishinga yanje n’umurimo ngukorera, ibintu bihita bijya mu murongo w’ubushake bwawe butunganye rwose, n’inzira wageneye ubuzima bwanje, mu Izina rya Yesu. .**

### **GUCENGERA IJAMBO:**

1 Abami 22:14; Luka 4:4

**GAHUNDA YO GUSOMA BIBILIYA MU MWAKA 1**

Luka 22:39-65 & 1 Samweli 29-31

**GAHUNDA YO GUSOMA BIBILIYA MU MYAKA 2**

Mariko 5:35-43 & Abalewi 27



Leave comments on today's devotional at  
[www.rhapsodyofrealities.org](http://www.rhapsodyofrealities.org)



## KWIZERA KUBW'INTAMBARA NZIZA



*Mwana wanjye Timoteyo,  
ndakwihanangiriza nkurikije ubuhanuzi  
bwa kera bwahanuye ibyawe, kugira ngo  
buduheshe kurwana intambara nziza,  
ukomeje kwizera kandi ufite umutima  
uticira urubanza. Uwo mutima bamwe  
barawuretse bahinduka nk'inkuge  
imenetse ku byo kwizera  
(1 Timoteyo 1:18-19).*

**I**cyanditswe cyacu gifungura kirigisha cyane: kurwana intambara nziza bisaba kwizera n'umutima uticira urubanza. Nanone, ni ngombwa kumenya uwo urwana na we muri iyi ntambara. Abefeso 6:12 (King James) haravuga hati, **“Kuko tudakirana n’abafite amaraso n’umubiri, ahubwo dukirana n’abatware n’abafite ubushobozzi n’abategeka umwijiima w’iyi si, n’imyuka mibi y’ahantu ho mu ijuru.”**

Aba bategeka umwijiima ni bo bayobora aho iyi si igana, bagashuka kandi bakayobora ibitekerezo n’ubwenge bwa babandi bigomeka kuri Kristo n’Ubutumwabwiza. Nta kintu na kimwe cyiza kiba mu madayimoni. Ibyabo byose ni bibi, kandi nta gishobora gutangira ubugome bwabo keretse twe, kubw’imbaraga z’Umwuka Wera, no mu Izina rya Yesu, tubahagaritse.

Abefeso 6 hatubwira ibyo tugomba kwambara ngo tubashe kugaba ibitero no gushyiraho uburinzi kuri izi mbaraga z’umwijiima. Umurongo wa 13 haratubwira ngo **“Nuko rero mutware intware zose z’Imana, kugira ngo mubashe gukomera ku munsi mubi, kandi murangije byose mubashe guhagarara mudatsinzwe....”**

Maze mu murongo wa 16, amaze kutwerekwa

intwaro zo kwirinda, Yaravuze ati, **“kandi ikigeretse kuri byose mutware kwizera nk’ingabo, ari ko muzashoboza kuzimisha imyambi ya wa mubi yose yaka umuriro. Mwakire agakiza kabe ingofero, mwakire n’inkota y’Umwuka ari yo Jambo ry’Imana”** (Abefeso 6:16-17). Iyi niyo mpamvu ubutumwa bwo kwizera ari ngombwa cyane; kuko havuga hati, “kandi ikigeretse kuri byose mutware kwizera nk’ingabo!”

Ibi bikwerekwa uburyo kwizera ari ngombwa. Iyo havuga hati, “kandi ikigeretse kuri byose mutware kwizera nk’ingabo...,” ntabwo bivuga ko ugomba gushaka ingabo yitwa kwizera. Bisobanuye ko uko ukoresha kwizera kwawe mu Ijambo ry’Imana, ari ingabo izatuma nta gushidikanya ubasha kuzimya, kuburizamo, guhindura ubusa no gukuraho imyambi yose ikaze y’umwanzi.

N’ubwo umwanzi yagutera imyambi imeze ite; kwizera kwawe kurayizimya. Kwizera kuzanwa no kwumva kandi kwumva n’Ijambo ry’Imana (Abaroma 10:17). Uko urushaho kwumva Ijambo ry’Imana, niko no kwizera kwawe kurushaho gukura. Kandi uko urushaho gushyira Ijambo ry’Imana mu bikorwa, niko no kwizera kwawe kurushaho gukomera. Komeze wumve Ijambo ry’Imana kandi urikoreshe; kwizera kwawe kuzakomera kandi gukore. Haleluya!

## ISENGESHO

---

**Data Mwiza, Ndagushimira kubwo kwizera mfite mu Ijambo Ryawe; kwizera kwanje ni kuzima, kandi hamwe nakwo, nzimya, nkatangiira kandi nkaburizamo imyambi yose y’umwanzi, ntambamira kandi mpindura ubusa imigambi ye, ibishuko, amayeri, ibinyoma, uburiganya n’ubucakura bye, mu Izina rya Yesu. Amen.**

## GUCENGERA IJAMBO:

---

Abefeso 6:13-17

**GAHUNDA YO GUSOMA BIBILIYA MU MWAKA 1**

Luka 22:66-23:1-25 & 2 Samweli 1-3

**GAHUNDA YO GUSOMA BIBILIYA MU MYAKA 2**

Mariko 6:1-13 & Kubara 1



Leave comments on today's devotional at  
[www.rhapsodyofrealities.org](http://www.rhapsodyofrealities.org)

## Notes

# Notes

## Notes

# Notes



## DUFITE UBUWARE



*Nahoranaga namwe mu rusengerero iminsi yose, ko mutarambuye amaboko ngo mumfate? Ariko noneho iki ni igihe cyanyu n'icy'ubutware bw'umwijima*  
(Luka 22:53).

Turi mu bihe aho ubuyobozi mu bice bitandukanye ku isi buri gukoreshwa nabi. Hari amategeko mabi, ingamba n'ibikorwa mu bihugu bimwe byashyiriweho kubangamira Abakristo kubwo kwizera kwabo. Usomye inkuru yo gufatwa kwa Yesu, mbere yo kubambwa kwe, uzabona ko uku kurenganya atari bishya. Yesu yagizweho ingaruka no gukoresha nabi ubuyobozi ku bari bari mu myanya yo hejuru.

Yohana 18 havuga inkuru y'uko Yuda yayoboye abasirikare b'Abaroma n'abari boherejwe n'abatambyi bakuru n'Abafarisayo gufata Yesu. Kuko yari azi ibyendaga kumubaho, Umwami yarabasanze aravuga ati, "Murashaka nde?" barasubiza bati, "Yesu w'i Nazareti!" Maze Yesu aravuga ati, "Ndi we."

Muri ako kanya Yesu avuze abibwira, abasirikare n'abarindaga urusengero bahise bakubitwa hasi n'imbaraga z'Imana bagwa ku butaka. Luka 22:52-53 haratubwira ngo "Yesu abwira abatambyi bakuru n'abatware b'abasirikare barinda urusengero, n'abakuru bamuteye ati **"Munteye nk'abateye umwambuzi, mufite inkota n'inshyimbo. Nahoranaga namwe mu rusengerero iminsi yose, ko mutarambuye amaboko ngo mumfate? Ariko noneho iki ni igihe cyanyu n'icy'ubutware bw'umwijima."**

Itegereze aya magambo, "Ariko noneho iki ni igihe cyanyu n'icy'ubutware bw'umwijima." Yesu yasobanukiwe ko imbaraga z'umwijima ari zo zari

ziri gukora, kandi ko aba bantu baje kumufata batari babyibwirije ubwabo, ahubwo yari Satani. Yesu yahuye n'imanza esheshatu mu masaha make kandi nta n'umwe wabashije kumuhamya icyaha.

Umutambyi mukuru yagombye guhimba ikinyoma mu burakari, avuga ati "...*Arigereranije. Turacyashakira iki abagabo? Dore noneho mwiyumviye kwigereranya kwe*" (Matayo 26:65). Amasaha make nyuma yaho, yabambwe ku musaraba. Imana ishimwe! Yitanze ku bushake bwe. Yashyize hasi ubuzima bwe n'ubwo hari icyo yari kubikoraho: "...*ntanga ubugingo bwanje ngo mbusubirane. Nta wubunyaka, ahubwo mbutanga ku bushake bwanje. Nshobora kubutanga kandi nshobora kubusubirana...*" (Yohana 10:17-18).

Imanza zihuse, amategeko atumvikana, ibinyoma n'uburiganya butagira ubukurikirana uyu munsi ntabwo ari bishya. Bityo tugomba gupfukama tugasengana umwete mu mwuka, twatura ko imijyi yacu itegekwa n'umucyo w'Ubutumwabwiza, igahindurwa n'imbaraga z'ubukiranutsi. Dufite ubutware, kandi Yesu ni Umwami kuri byose. Muhagarareho We n'Itorero Rye ahantu hose!

## KWATURA

**Nanze gutterwa ubwoba n'amabwiriza cyangwa amategeko arwanya abakristo cyangwa arwanya kubwiriza Ubutumwabwiza; Ariko mpatirwa imbere muri jye gusenga ngo ibikorwa by'ubugome, amayeri, amategeko n'uburiganya bya Satani bica intege abantu b'Imana no kubwiriza Ubutumwabwiza kw'isi hose bihinduke ubusa, mu Izina rya Yesu Kristo. Amen.**

## GUCENGERA IJAMBO:

2 Abatesalonike 3:1-2; Imigani 16:12

**GAHUNDA YO GUSOMA BIBILIYA MU MWAKA 1**

Luka 23:26-49 & 2 Samweli 4-6

**GAHUNDA YO GUSOMA BIBILIYA MU MYAKA 2**

Mariko 6:14-29 & Kubara 2



Leave comments on today's devotional at  
[www.rhapsodyofrealities.org](http://www.rhapsodyofrealities.org)



KU WA GATANU 30

## GUMANA AMAGARA MAZIMA UKORESHEJE AMAGAMBO YAWE



*Ariko niba Umwuka w'Iyazuye Yesu  
aba muri mwe, Iyazuye Kristo Yesu  
izazura n'imibiri yanyu ipfa ku  
bw'Umwuka wayo uba muri mwe  
(Abaroma 8:11).*

**I**yo wavutse ubwa kabiri, uba ufite ubuzima bushya. Ubwo buzima bukora ku mwuka wawe, ubugingo n'umubiri byose. Umurongo wacu ufungura uvuga ko niba Umwuka w'Iyazuye Yesu mu bapfuye aba muri wowe, uwo Mwuka uzazura (uzahindura muzima) n'umubiri wawe upfa. Ibi byamaze kubaho, kuko Umwuka atuye muri wowe ubu.

Bensi ntabwo babaho uku kuri kw'Ijambo ry'Imana mu buzima bwabo kuko batagendera ku Ijambo. N'aho waba waravutse ubwa kabiri mu myaka mirongwitanu ishize, niba udasobanukiwe uku kuri, uzakubitwa n'ibintu bigize iyi si; uganzwe n'imitwe, imiriro, za diyabete n'ubundi bwoko bwose bw'indwara n'umuze.

Ntukanyure mubyo imbata zo mu mwuka zinyuramo; gera ahantu mu buzima bwave uvuga uti "ibi birahagije; nanze kurwara." Iga gukoresha ubutware ku mubiri wawe. Niba udashobora gukoresha ubutware ku mubiri wawe, ni gute uzabukoresha ku migi n'ibihugu? Umubiri wawe ni ho hantu ha mbere ho gukoreshereza ubutware.

Niba wumva ibimenyetso by'indwara mu mubiri wawe, vuga uti "Oya! Inshuro igihumbi oya! Mfite Umwuka w'Imana muri jye! Mfite ubuzima bw'Imana muri jye! Mfite imbaraga z'Imana muri jye, uhoreye mu gitwariro kugeza mu bworo bw'ibirenge! Ndi mutaraga kandi nduzuye! Umubiri wanaye ni urusengero rw'Umwuka Wera, kandi nta ndwara, umuze cyangwa ubumuga bishobora gushishiramo! Haleluya!"

Koresha akanwa kawe. Vuga amagambo yo gukira n'ubuzima buzira umuze ku mubiri wawe. Uko uvuga, ntiwemerere Satani kukuriganya ko nta kiri kubaho. Ibyo uvuga byose bizaba! Ushobora gusana umutima wawe; ushobora gusana ibihaha byawe, ushobora gusana impyiko zawe! Bwira uruhu rwawe, amagufa yawe, amaraso yawe, ubigumishe mu buzima buzira umuze. Imana ihabwe icyubahiro!

## KWATURA

**Umubiri wanaye ni urusengero rw'Umwuka Wera; nanze kugira icyo nemerera kunganza. Ntera umubiri wanaye kugandukira Ijambo ry'Imana! Ikintu cyose gihabanye n'Ijambo ry'Imana ku buzima bwanjye ntabwo cyemerewe mu mubiri wanaye! Ngendera mu buzima bw'ubumana iteka. Imana ihabwe icyubahiro!**

### **GUCENGERA IJAMBO:**

Imigani 4:20-22 NIV; 1 Abakorinto 3:16; 3 Yohana 1:2

**GAHUNDA YO GUSOMA BIBILIYA MU MWAKA 1**

Luka 23:50-24:1-12 & 2 Samweli 7-8

**GAHUNDA YO GUSOMA BIBILIYA MU MYAKA 2**

Mariko 6:30-44 & Kubara 3



Leave comments on today's devotional at  
[www.rhapsodyofrealities.org](http://www.rhapsodyofrealities.org)

**T**urizera ko wahawe umugisha n'iki gitabo. Tur-aguhamagarira kwakira Yesu Kristo nk'Umwami w'ubuzima bwawe usenga iri sengesho:

“Mwami Mana, Ndaje mu Izina rya Yesu Kristo. Ijambo ryawe riravuga riti “*...umuntu wese uzambaza izina ry'Uwiteka azakizwa*” (Ibyakozwe n'Intumwa 2:21).

Ndasaba Yesu ngo aze mu mutima wanje abe Umwami w'ubuzima bwanje. Nakiriye ubugingo buhoraho mu mwuka wanje kandi nk'uko Abaroma 10:9 havuga ngo **“Niwatuza akanwa kawe yuko Yesu ari Umwami, ukizera mu mutima wawe yuko Imana yamuzuye uzakizwa”** Natuye ko nkijjwe; mvutse ubwa kabiri; ndi umwana w'Imana! Ubu mfite Kristo utuye muri jye, kandi uri muri jye aruta uri mu b'isi (1 Yohana 4:4)! Ubu ndagendera mu gusobanukirwa ubuzima bwanje bushya muri Kristo Yesu. Haleluya!”

*Nezerwa! Ubu ubaye umwana w'Imana. Kugira ngo wakire ibisobanuro birenzeho ku buryo wakura nk'Umkristo, waduhamagara kuri umwe muri iyi mirongo:*

---

---

**UNITED KINGDOM:**  
+44 (0)1708 556 604

**SOUTH AFRICA:**  
+27 11 326 0971

**NIGERIA:**  
+234 812 340 6547  
+234 812 340 6791

**USA:**  
+1 (0) 980-219-5150  
+1-281-759-5111  
+1-281-759-6218

**CANADA:**  
+1-647-341-9091  
+1-416-746 5080

# ABANDITSI

Umushumba Chris Oyakhilome, Perezida wa Believers' LoveWorld Inc., minisiteri mpuzamahanga y'ivugabutumwa mu buryo butandukanye, ni we mwanditsi w'Urusobe rw'Ibiriho, agatabo k'inyigisho za buri munsi ka mbere mu isi, ndetse n'ibindi bitabo birenze 30. Ni umukozi w'Imana witangiye Ijambo ryayo, ubutumwa bwe bukaba bwarateye benshi kwakira ukuri kw'ubuzima bw'Imana mu mitima yabo.

Miliyoni z'abantu bagiye bakorwaho n'ikiganiro cye kinyura kuri televiziyo cyitwa "Ikirere cy'Ibitangaza," gisangisha abantu ukubaho kw'Imana aho bari mu ngo zabo. Umurimo we wo kuri televiziyo ugera mu isi hose ku ma televiziyo atandukanye ya LoveWorld ageza ibiganiro bikungahaye bya Gikristo ku bamukurikira mu isi hose.

Mu Ishuri ryo Gukiza Indwara rizwi cyane mu isi, agaragaza imirimo yo gukiza ya Yesu Kristo kandi yafashije benshi kwakira gukira binyuze mu gukora kw'impano z'Umwuka.

Umushumba Chris afite ishyaka ryo kugeza ku bantu bo mu isi ukubaho kw'Imana - inshingano y'Imana amaze imyaka irenga 30 asohoza binyuze mu ivugabutumwa mu buryo butandukanye, mu biterane, ndetse binyuze no ku zindi mbuga zafashije benshi kubona ubuzima bw'ubutsinzi kandi bufite intego mu Ijambo ry'Imana.

## Notes

# Notes

## Notes

# Notes

## Notes

# Notes

## Notes

# Notes

## Notes

# Notes